

九

百

九十



文苑英華卷第八百八十一

碑三十八

家廟二

馬公家廟碑一首

相國崔群家廟碑一首

代邵開國公王涯家廟碑一首

馬公家廟碑

李宗閔

元和十五年夏六月有詔天平軍節度使檢校禮部尚書兼鄆州刺史御史大夫扶風縣開國伯馬公作三廟於京師秋九月新廟成冬十月 有一日命公母弟推攝祭行陞祔之禮既卒事推率具族人耆老相與言曰馬氏之先以功名顯於周漢之際下魏晉氏族世寢衰今公起自躬身遂為方伯克有宗廟勤亦至矣願得銘之於石以示後人俾其無忘艱難而世世享祀不絕其亦可乎咸以為然公名惣字會元扶風茂陵人也昔舜

伯益掌上下草木鳥獸歷夏殷周世不失職其後造父事穆王有勞賜之趙城氏後七世至叔帶去周適晉事文侯後三世生夙為晉正卿遂專國事後八世與韓魏三分晉地建國稱王後五世趙之公族有名奢者將趙功封馬服君其子孫因別為馬氏自奢七世至通為漢武帝侍中以二千石始自邯鄲徙茂陵於是屬方疑作右扶風故號扶風馬氏在三國時多仕於蜀更晉宋至宇文周連連有八公之五代祖曰士儒為隋江亳二州刺史亳州生伯達入唐舉進士為懷河內尉樂黃老長生之說棄官從孫思邈遊隱于茅山河內生頽舉進士又舉八科仕於高宗天后朝為御史尚書兵部郎屬天下羅織熾起以不證皇族罪用失其官已而歎曰吾雖不逢吾子孫宜有達者兵部生光粹五歲而能詩舉進士為滎陽令功化甚美縣人傳之滎陽生

皇考諱佺年十歲則授左氏春秋日記萬言從方以經明行高歷仕諸侯由檢校尚書職方郎中為吉州刺史治行卓尤升聞于朝進棗州名加賜命服竟以官卒公既孤追念世業以為五代祖有文才仕隨官不過郡吏高祖父懷至道曾王父有陰德鬱積而未發王父皇考惠澤在人而皆存不議於朝歿而祭於寢重祥累慶其不在茲乎乃刻心自修以道迎天之休學明德成明聲四聞於諸侯辟書交至公又言曰古之貧無以祭必求仁者之粟然則不以其道雖日用三牲不如魚菽之為潔也故在滑與中貴人迂在闕不協於柳冕以是濱于死而厄窮十年公亦不悔憲宗即位知公之賢追刺泉慶二州以御史申丞都護曰南以園子登酒觀察於桂以往升御史大夫帥于百越徵拜尚書刑部侍郎尋副丞相晉公討淮西平遂代晉公鎮其地

西淮加工部尚書治蔡州居一年蔡人秋且寧遷于許州而并
殷有祭朝京師留拜禮部尚書華州刺史而為鎮國軍元和十
四年齊冠始誅朝廷以其地廣人眾易生搖動折其都府別為
一道而分曹濮之由以益之命為始齊人之不廷于令六十年
民窮而無告兵驗而好亂公至則布以誠信示之法或纖悉而
不苟寬柔有而威居一年人盡安田益闢三軍百吏上下有節
上聞之進財扶風伯加銀青光祿大夫復追贈王父為尚書工
部郎中祖母常氏為扶風郡大夫人封皇考為兵部尚書母鄭
氏為滎陽郡大夫人以褻寵之命立三廟備致祭以告成功嗚
呼人之富貴顯榮以祀其先祖世多有之如公之超疑不失正
終如其志者斯亦難矣得不謂之大孝乎明著後世以無愧銘
曰

令皇帝即位六月東蕃臣惣使使者上言有司以臣名數謬登
禮當廟祠皇帝曰昔我憲考聰明聖武兵衛四出掃定郡邑愛
敬忠良為民父母實命汝惣作藩于東始平淮亂遂撫鄆封此
二邦仍世不虔民庸無告卒驕而頑苞紆窺隙以萬以千汝
來尸之莫不順然朕初即位汝適報政疇汝爵邑書于切令
惣拜稽首敢亂疑休命皇帝曰咨無汝私蔡人不龔汝則治之
齊人不安汝則綏之勤亦至矣而賞何卑命汝為伯即封于岐
惣拜稽首非臣之力陛下先臣實有明德臣蒙其慶幸以守緘
皇帝曰咨我今有詔追榮爾先以昭示孝啓爾士宇錫爾宗廟
惣拜稽首死無以報乃命季推作廟京師由門及堂不逼不潛
礪楹刻楹秩秩施施是卜是擇仲月吉日三廟之主弟升于室
登降享獻夔夔齋慄公猶居外推奉以行克薦誠敬如公在廷

神祇安樂福祿來并雖公之興蓋自諸生維艱維難乃克有成
咨如疑作後嗣無忘此銘

相國崔羣家廟碑

牛僧孺

憲宗紀元十四年詔右相中書侍郎平章事靖河公羣立家廟
于長安崇業里廟三室粵五月二十二日天子命以羊一豕一
助奠太常出傳士一人相禮儀即日加贈烈考金部公尚書左
僕射極顯親之榮錫教忠也先是承相清河公諷日卜牲致齋
盥洗朝服立於作階之東司儀告辨宗祝贊事奉贈鄭州刺史
府君神主祔於第一室夫人樂平群大夫人王氏配座室曰皇
考廟奉懷州刺史贈太子少師一作今府君神主祔于第二室
夫人魏國太夫人李氏配座廟曰王考廟奉今贈大尉府君神
主祔於第三室夫人齋園大夫人盧氏晉國大夫人王氏配座

室曰考廟始迎嚴嚴卒事競凌俛與舒於愉愉勿勿瞻虞俯慕

彤璽交格建闇質明禮既勿違君子於是觀卿大夫之孝而知

周德之所在矣廟第一室曰鄭州公諱湛字湛然以德門清閤

冠當代之疑作弘度茂質儀摺紳以全用具業職文武釋褐常

州武進縣主簿異遷潁川滎陽二長史動必中禮遷必以庸治

官將私皦皦矩矩歲終上能宰相啓公為壽州刺史未被詔而

公捐館為有德者之所哀庸第二室曰懷州公諱朝字守唐書

表作忠即鄭州公第二子也純粹凝秀發為菁華臨莅不耀舉

適大當屬天寶羯起虎臣扞難祇得士為勇弱公以辟三府由

試大理司直攝監察御史四遷檢校倉部郎中兼侍御史知鄭

潁兩州節度使觀察留後錄刺史事時副元帥梁國公抱玉以

全師軍攻下餘饋廩食悉責於公急須草草一呼三索應卒充

翔了辨綽綽移試園子司業兼懷州刺史內殿召問賜金紫寵
之以基址大用未幾改檢校左庶子克河西隴右糧料使是以
志將疇謀陟岵以不及致詔恩重此露前能優贈祕書監大夫
家風行孝具於貞元中右相司徒榮陽鄭公餘慶神道碑文第
三室曰贈大尉公諱楨字實方懷州公之嗣子也善習作史書
五言詩為文而敏政建中年德宗狩梁漢九州歲貢瑟縮不集
上在巡責賦稅急租庸包大夫表公嘗從二府事澄磨割剔以
靳靳於當時累請公以祕書丞殿中侍御史為判官居廣陵
楊子運江南以趨行在公號憂國厄晡旦自力蹄馳幟飛職貢
填路冠平謝免修然晚履雖蹤希象外而功行羶灼為時須
連遂適無容矣三遷檢校金部郎中司自陝以東水陸運會其
年失仲弟衰踰於禮遂嬰疾不起其後寵章七告身自司徒公

冊贈太尉至於初終密行具於舊相令太常趙邵李公絳神道
碑文夫以鄭州之厚仁懷州之器業金部之忠孝三良百行施
豈無集元和年清河公竟以全德文武恭忠溫直相憲宗外綏
華戎內接萬機條綱品例踈貫折折不質不要天下瞻信立言
者熾疑作丞相之輔理而知三廟之遺愍遠矣古者道施於人
則鏤於鍾彝書於簡編其或行浮而實未稱者史氏闕逸乃必
噫哀於謚誅發輝於文辭寄金石存景行以備紀事者以之補
採今清河公禎祥聖代庸跡焯闡推始反本以崇廟桃規方豐
菲一中於度牲牲豆學無有缺時春秋掃嘗盡志盡敬猶以丕
烈耿光未克篆籀泣奉家老狀請隴西牛僧孺傳而詩之銘曰
昭昭成廟櫺楠松柏斲之礪之謹古不飾二門耽耽瞻東應南
周匝墀垣建植冬陰三室峙肩肅械嚴深濟濟孝孫以時饗之

盞筭豆籩既具而宜恪慕聲聞如疑明德馨香百福已來厥初
大風齊太之遺支胤茂秩累累而賢榮陽之仁河內之才太尉
植行將開以先丹亢感靈乃儀鳳凰丞相厥生輔我唐章忠孝
懋宜興時大平耀榮祖宗以尊顯親既祭則禮祖一作以敬如一作
存牲牢具肥祝史贊神宗婦宗工整整平平社祚之傳若火移
薪於萬斯年爰有記云

代郡開園公王涯家廟碑文粹作興元節度使王公先廟碑劉禹錫

唐制五等有爵服而無山川登于三事得立四廟備物崇祀以
交神明敬先報本以輔孝治有園之令典也惟長慶三年前相
國王涯集粹作公始卜廟于西京崇業里公時鎮劍南東川上章曰
臣涯官秩印綬品俱第三請如戎以奉宗廟制曰可是歲仲冬
申命長男孟堅祔其主子三室明年公入為御史大夫復以十

一月躬行齋祭間歲公出梁州就拜司空禮崇異數廟加常祀

文粹作大和二年增新室既成祔顯考于宗二本位告饗由禮

觀之者以為世程第一室曰上儀同幽作集州別駕府君諱元

文粹政以妣傳陵崔氏配第二室曰湖州安吉懸令贈尚書刑

部員外郎府君諱實以妣贈扶風縣太君馬氏配第三室曰朝

散大夫青州司馬贈戶部侍郎府君諱祚以妣贈武威郡大夫

人賈氏配弟四室曰温州刺史贈大尉府君諱冕二李以妣贈

魯國大夫人傳陵崔氏配初周靈王太子晉遇浮丘公化為神

僊時人號曰王家其後遂以命氏顯於文粹秦者王文粹翦三

世將奏師子孫分居晉代間東漢有徵君霸霸孫甲亦號徵君

徒居祁縣為著姓故至于今為太原人自漢涉魏益以熾曰凡

十葉至後魏度支尚書廣陽侯問廣陽有二子神念神感神念

南奔梁神威北仕齊惟儀同府君廣陽侯五代孫也唐興于原
實從儀旗佐成王業故有開府儀同之寵惟刑部府君以功臣
子理二邑不躋貴仕故有錫羨後大之祥惟戶部府君幼孤以
孝聞於鄉曲未冠以文售於文粹有司由前進士補延州臨安
縣主簿會詔徵賢良策在甲科授瀛州饒陽尉歲滿遷渭南尉
天后在神都而東畿差重遂由渭南轉河陽適逢建萬像神宮
甸內吏分董其役因上書切諫繇是名益聞開元初以大理司
直馳軺車聯讞大獄閩禹朔漢文粹所至文粹作决平早以藥
棘傷生晚成劇恙樂就夷曠故不至大官惟大尉府君生於治
平時以文學自奮年十有五貴然從秋賦明年春外名于司徒
又一年玄宗御層樓發德音懸文詞政術科以置集作髦士府
君策最高授太常寺太祝未幾復以能通德南華冲虛三真經

進塾屋尉天寶中歷左文粹拾遺左補闕禮部司駕二外郎屬

幽陵亂華連二本兵南服因佐閩粵改檢校比部郎中行軍司

馬時中原甫寧江南為吉地二千石多用名德乃以府君牧溫

州朝廷虛公卿以俟高弟及聞永嘉人輟春罷社薦集作紳間

以不淑相弔馬雖位負于道而邁德垂矩後之人得以續承丕

楊之其諸休啓祐有自云爾生三子皆聰明絕人長曰沼以神

童仕至檢校禮部郎中次日潔以奇集作文仕至國子司業今

代郡公實季子也早在文仕籍射策連中咸世其家貞元中德

宗聞其名自藍田尉召入禁中視草厥後三典書命再參內廷

憲宗器之付以國柄翊贊有道雖罔免常君大僚今年自梁州

請覲上思用舊臣為羽儀遂領太常其公府如故以一新事六

名顯官重務靡不揚歷且夫起諸生至三公而心愈卑道益廣

出授黃鉞以臨集注諸侯入服華章以謁家廟追崇極大位血
食備多室享全榮而奉昭薦嗚呼公侯之孝歟宜書廟器以視
橋公之三罪其辭曰

闕宇神廷邃清而嚴上公之儀四室眈眈犧以潔牲粢以大粢

交神尚敬合魄尚氣子姪宗工駿奔奉事副筭侈袂儼恪居次

孝孫兢兢執爵而升以裸以擣文粹以伏以興水陸具來羶薌

畢登列于園方其器增增乃初蒸嘗二本作乃敬而追遠二昭

二穆孝以尊本瞻瞻几惺踳踳堂間禮成起慕涕落玄袞濡露

踐霜誰無永懷不如達者哀與榮偕逢時奮庸誰不得位不如

仁人以道為貴惟公之達兮名以顯親惟公之仁兮德以澡身

六朝之清臣一代之全人宜其世家翼亮二本作振振罔不恭

肅集作肅祇于廟門集作于

文苑英華卷第八百八十一

登仕郎胡柯 鄉貢進士彭叔夏 校正

文苑英華卷第八百八十二

碑三十九

家廟三

東都留守令孤楚家廟碑

天平軍節度使殷公家廟碑

淮南節度使檢校尚書左僕射趙郡李公家廟碑

東都留守令孤楚家廟碑

集作彭陽侯令孤氏先廟碑

劉禹錫

今上元年七月十三日汴州刺史宣武軍節度副大使知節度

使集本文粹作事汴宋毫等州觀察處置使銀青光祿大夫檢校禮部

尚書兼御史大夫上柱國彭陽縣開國伯令孤公西嚮拜章上

言守臣楚蒙被恩澤烈為元侯得立家廟以奉常祀制書下其

奏于有司於是善相考祥得地于集伯京師通濟里居無何新

廟成公以守藩故申命季弟監察御史定卜牲練日越八月丁

亥附饗三室塙墉以尚幽設惺以迎精禮無尤違神用寧謚弟
 一室曰秦州上邽縣尉諱濬以妣太原王氏配弟二室曰綿州
 昌明縣令贈吏部尚書諱崇亮以妣贈大原郡夫人河東柳氏
 配弟三室曰大原府功曹叅軍贈司空二字集作大子大保諱承集作簡
 以妣贈魏園大夫人富春孫氏配明年十月公由浚郊以介圭
 入覲貞拜戶部尚書進爵為侯既辭戎旃集作旌得以列侯謁三
 廟是歲南至上不視朝又得以展時祭先期致齋栗然以敬既
 齋盡志歆然永思奉其百順陳以具物始躋而處恭終獻而沈
 瀾既卒事顧麗牲之石宜有刊紀乃俾家老授其牒于所知云
 令孤晉邑也晉大夫魏顓以輔氏之功始封焉其易名曰文國
 於所謂令孤文子是也集作已其先周文王之昭畢公高之裔畢
 萬為晉卿始封于魏自萬至顓蓋四世其後三十七世蓋田侯

虬仕拓跋魏為燉煌郡太守子孫因家遂占數為郡人蓋田之
 孫熙在隋為納言惟上邽府君納言之玄孫道克尚位不至惟
 尚書府君西州之右族光未耀而德已基惟司空集作太保府君志
 為君子之儒以明經文粹作經學居上第調補陽安縣主簿歷正平
 縣尉汾州司法叅軍陝州大都督府兵曹終于太原府首掾始
 以顓經進既仕旁通百家愛集作受非穀梁子清而婉左丘明國語
 辨而工司馬遷史記文而不華咸手筆朱墨究其微旨愷悌以
 肥家信誼以急人德克燕耆獨享天爵故休祐集作祐集于身後
 徽章流乎佳城几以子貴承集作丞澤降命書告弟者始贈尚書
 祠部郎中再贈禮部尚書三加右僕射四進大保五為上公八
集作四稱先夫人亦四徙封密印纍纍邦族聳慕生三子皆才彭
 陽公為嗣次子從端實肅給今為檢校膳部郎中叅河東軍事

季子 前所謂監察御史今主柱下方書温敏而有文綽綽然

貞令兄弟惟彭陽公以才名翰飛參侍從八字集作以詞筆由

博士主尚書牋奏典內外書命遂登樞衡言文章者以為冠擁

節總戎率身知集作和是衆留惠于盟津變風于浚都言方略者以

為能夫沒師嘆惜難治乘豐竊發寢成習俗莅政二本五戴飲

和華心束馬來朝憑熊集作熊羅文粹作人皆隕涕問公還期觴必祝之

留為常伯旋命居守汴人間公之東近而愈集作愈懷翹瞿集作翹

瞿盡文粹作咸西其首言遺愛者可紀馬貴而率禮老而能慕休惕

乎霜露齋莊乎廟祧睦其仲季施及鄉黨言孝悌者歸厚馬勒

銘于碑以代表文粹作彛鼎文曰

已孤之孝莫如備物顯彼二本顯新廟四阿三室時惟仲月卜用

柔日醴體必芬牲牲博文粹作肥膾籩鯤在堂蕭管在庭孝孫蒸蒸

躬文粹作恭若奉盈低簪委紳薦俎登劔肝饗交感流涕集作涕緣纓

禮以備儀誠以致美祖考耒格錫之休集作正祉工祝告訖退循

軒祀乃授風人作詩以紀猗歟彭陽之寵光佐憲皇穆皇集作王非

西省東臺迭為侍郎園之大柄集作政咨爾平章敬宗凝旒俾鎮

雍立入為地官今集作令守東周彭陽之忠厚宜介福以壽東郊

既釐可復朝右綿綿其胃系于周舊由我顯起必昌其後大和

紀元作廟之首刻碑廟門龍集已酉

天平軍節度使殷公家廟碑 馮宿

能樹休勲著茂功豐人爵列天秩焜耀當代恢張其門者幾何

哉不有營繕乎先宗廟而後居室不有禋祀愴春秋而感霜露

大和甲寅歲天平軍節度使檢校尚書右僕射陳邵殷公侑建

家廟于京師永平里之東北隅禮也前此表陳其請詔報曰俞

勿亟成功度思來格於是乎討獻尸奠盎之茂典銜以璽粟浴
蘭之通制冬十有一月辛亥奉工部衛尉騎省三府君李氏周
氏劉氏三太夫人神主克祔于其室自西徂東靡陋靡豐守經
據古處約為恭追惟我氏之權輿二十一代祖封在東漢桓靈
間為諫議大夫出冀州刺史避黨錮棄官累家屬南渡江栖於
曲阿邁德流芳或隱 顯繁于家諱播于人間十九代至工部
府君諱楷字文綯一作綯高宗朝四岳舉高第釋褐拜雍州新豐
尉累遷大理丞天授中以議獄平反為酷吏所陷貶台州永寧
丞今上大和八年七月詔追贈工部侍郎衛尉府君諱玄覺字
元明十八明經出身以工部府君處明夷之時持法不曉謫居
而歿未歸舊阡茹荼調選求為寧海尉既克營護祔于先兆遂
大布之衣終身不言祿與工部府君同日追贈衛尉少卿騎省

府君諱懌字易從少負志氣博學善屬文弱冠遊太學籍甚於
公卿間天寶末知天下將亂乃促裝東歸侍太夫人版輿徙居
吳郡吳中士大夫得從府君遊者鄉黨以為榮本道採訪使李
希言辟為從事奏授試崑山尉浙東節度使薛兼訓請為三謀
奏授試右衛兵曹參軍並不就事具今東川節度禮部尚書楊
嗣復府君神道碑元和至寶歷中累追贈左散騎常侍於戲三
府君皆位不允疑作允量道屯於 贈典累 覃恩逮及天其或
者將厥後必有達人疇庸績服在於茲日不然何陳邵公之危
鴻魁梧磊砢昭彰若此陳邵公大度宏略自誠而明垂髫而早
聞立志負笈而見賞先遠佐軺軒不辱於絕域昇禮闈有聲於
奉常爾其起草彌綸剖符愷悌五諫之弘益十連之勞徠銜拜
名卿出乘元戎奮餓夫為齊氓化亂邦為善部襁負始至壺漿

遽迎錫命就加璽書亟降時以為賀公以為憂桂人洪人滄人
鄆人既尸祝之文謳歌之異日鄭伯來朝韓侯入覲執圭有委
蛇之狀捧俎申洞屬之容揚名立身養親繼孝賢臣之懿圖彰
矣君子之能事畢矣夫俾之於神道者懸空疑作所用俾之於
廟門者麗牲所資先祖無美而稱之之為近誣先祖有美而不
稱之之謂不明古之人銘其功烈於鼎今之人銘其德善於碑
若然則轉石他山搜詞直碑垂悠久於刊刻託堅剛以居諸鼓
音無窮鍾慶不匱盡在是也其銘曰

帝里西偏天街右方三室兩廂克建一作構斯堂於惟浸昌云誰

經之鄆侯殷君云誰處之祖烈宗文藹然清芬揚名顯親教孝
申敬是為率得可以觀政莫之與盛比時備物追遠復始無違
享嘗茲用授社固在元祀祝嘏言具深盛既飭罔絕敬齊如聞

歎息有典有則順考前典聿脩明禋事死猶生為能饗親爰奉
爰遵於惟皇祖持法不回酷吏所擠竟孤其才僉曰哀哉穆穆
王父天鍾孝德啜泣封樹歸全兆域報之罔極猗那先子超度
名輩遠圖中輟貽慶後大玄鑒不昧否道既傾復迷非遠奉承
如在飲若報本飛章瀝懇秉鉞有虔干城巖然永懷悽愴長薦
志蠲於萬斯年

淮南節度使檢校尚書右僕射趙郡李公家廟碑白虜

王建侯侯建廟廟有器有銘所以論譔先德明着後代或書于
鼎或文于碑古今之通制也維開成某年某月某日宣武軍節
度使檢校尚書右僕射汴州刺史上桂國賜紫金魚袋趙郡李
公齋沐祗栗拜章上言請立先廟以奉常祀於是得請于天子
承式于有司是歲某月某日經始于東都明年某月某日有事

于新廟外盡其物內盡其志三獻百順神格禮成其友居易以

李氏南祖唐宰相世系表李紳及趙郡李氏有世家名壽與僕

射志行官業書于麗牲之碑謹按家略九代祖善權後魏譙郡

守八代祖延觀徐梁二州刺史七代祖續馬頭太守六代祖顯

達隋潁州刺史五代祖遷皇朝宜毅二州別駕贈德州刺史高

祖季集作孝卿右散騎常侍贈德集粹州刺史曾祖府君諱敬玄

總章儀鳳間歷吏部尚書侍郎同中書門下三品中書令弘文

館大學士監脩國史封趙國公謚曰文憲才智職業載在國史

今祭于第一室以妣集作非蒯集作非園夫人范陽盧氏配馬王父府君

諱守一屬世難家故不求聞達避榮樂道與時浮沉終成都府

郫縣集作非今祭于第二室以妣榮陽夫人鄭氏配馬先考府君諱

悟集作非歷金壇烏程晉陵三縣令府君為人篤於家行飾以吏

事動有常度居無惰容所莅之邑有善政辭蒞之日多遺愛不

登貴仕其命矣夫今祭于第三室以先妣上谷夫人范陽盧氏

配馬府君累贈至尚書右僕射夫人累贈至上谷郡太夫人前

後凡三追命六告身二本渥澤疊洽自葉流根從子貴也郫縣

洎晉陵府君咸善積于躬道居於位儲祉流慶而僕射生馬僕

射名紳字公垂六歲丁晉陵府君憂孺慕號踊如成人禮九歲

終制孝養上谷大夫人年雖幼承順無違家雖貧甘旨無闕侍

親之疾冠帶不解者三載餘可知也執親之喪水漿不入口者

五日餘可知也先是祖妣考妣晉陵府君前妻夫洎叔父兄妹

殯咸未歸柩各偶集作一方公在斬衰中親護九喪匍匐萬里

及期喪事禮無闕違至誠文粹感神有靈烏瑞芝之應事動鄉

里名聞公卿言孝友者以為表率憲宗嗣統三年李錡盜據京

口公寓居無錫擢弟東歸錡聞公名署職引用初詢以謀畫結
舌不對次強以章檄絕筆不書誘之以厚利不從迫之以淫刑
不動將僇辱者數四就幽囚者七旬誠員神明有死無二言名
節者以為準程朝廷嘉之拜右拾遺歲餘穆宗知公忠孝文行
召入翰林特授司封員外郎知制誥遷中書舍人承旨前滕二
作承類知無不言獻替啓沃如石投俄拜御史中丞戶部侍郎
造滕既而望屬白衡朝當晏駕時移世變遂出掾高要佐潯陽旋為
除壽二州刺史大凡公之為政也應用無方所居必化卧理二
郡以去害為先故有盜奔獸伏集作之感廉察浙右以分憂為
功故有卹隣活殍之惠戶正河洛以革弊為急故有摘奸抉蠹
之威文宗知公全才知文粹汴難理乃授鉞鉞俾鎮綏之初宣
武師人驕強狠悍徂亂徼利積習生常功既下車盡知情偽刑

賞信惠合以為用一年而下徵勸二年而下服畏三年而下恥
格肅然丕變董然大和撫之五年人俗歸厚至於捍大患禦大
災却飛蝗遏暴水致歲於豐稔免人於墊溺意微公之力汴之
民其為殫乎其為魚乎殊績尤課不可具舉天下征鎮淮海為
大非公作帥不足以長東諸侯制加銀青光祿大夫楊州長史
淮南諸州二本節度觀察等使餘如故詔下之日出次于外軍
門不擊柝里巷無吠犬從容五日按節而東百姓三軍挈壺漿
捧簞醪遮道攀餞者動以萬輩皆嗚咽流涕如嬰兒之別慈母
馬噫若非襦袴之惠及其幼雞豚之養及其老又推赤心置人
腹中者則安能化暴戾之俗一至於此乎西人泣送東人歌逐
二本之際上方致理公未登庸顛顛蒼生還二本望而已盛矣哉大

大夫生於世也以忠貞奉于君以義利惠乎人以敬冕貴乎身以宗廟顯乎親以孝敬交乎神宜其荷百祿輔一德為有唐之宗臣者歟君子謂李氏之廟也休哉公之祭也順哉然曰有孫如此有子如此可謂孝也故其碑銘曰二本作云
祭祀從貴爵士二本有扶諸侯之廟一宮三室皇皇西室皇祖中書曾二本孫追遠昭穆有初顯顯中室王父耶令順孫祇享盡懋文粹作孝盡敬肅肅東室先考晉陵嗣子奉薦孝思蒸蒸嗣子其誰僕射公垂公垂翼翼齊嚴諒直為子為臣有典有則戴膺休命載踐右職以孝肥家以忠報二本國乃授侯伯壽縣鉞祈戟乃饗祖禰牲牢黍稷家聲振耀國典褒飾六命徽章三世血食光大遺訓顯揚先德子孫承之垂裕無極
文苑英華卷第八百八十二 登仕郎胡柯鄉貢進士彭叔夏校正

文苑英華卷第八百八十三

碑四十神道一

將相一

此下七卷英華所編失作者先後今正之

太子少傅蘇瓌神道碑一首

贈大尉裴行儉神道碑一首

太子少傅蘇瓌神道碑

盧藏用序張說銘

維唐景雲元年歲在唐戎十月己巳太子少傅許國蘇公薨于崇仁里之私第春秋七十有二嗚呼哀哉一無此字粵明年三月己酉制葬我公于武功之先塋禮也公諱瓌字昌容京兆武功人也其先出自帝高陽厥胤曰黎實勤火正逮昆吾之子始封於蘇以國受氏公其後也暨漢平陵侯子侍中嘉魏侍中則晉尚書遜聯華國圖代載明德公高祖周度支尚書封國公諱綽立言成務垂法後王公曾祖隋尚書僕射開府儀同三司雍州牲諱威嘉謩成績懿于當代大父隋尚書職方郎中鴻臚卿諱

變理綜群品識羣衆妍烈考秘書丞沁台二州刺史追贈岐州
 刺史遊藝聚學素風不隕一作隕公系上聖之遐緒鍾盛德之衆
 茂資元和以體仁穆清明以成美初孩而孤稟絳郡夫人之慈
 訓幼而岐嶷聰敏冠常始讀山棲志一覽便誦及長博通經史
 尤善屬詞年十八進士高第補寧州參軍轉恒州司法丁絳郡
 夫人憂自中山涉寒從至京兆哭不絕聲性以禮全形以哀瘠
 左庶子張大安以孝悌上聞服闋拜恭陵丞轉相王府錄事王
 改封豫官亦隨府上即帝拜朝散大夫尚書水部員外郎未幾
 兼侍御史淮南廉按依轉夏官員外郎兼官戶丞歷水部祠部
 郎中兼判司禮事以親聯出為郎州刺史轉歙州刺史武興令
 檢校冀州刺史累遷汾鼎同汴揚陝以累最入為尚書右丞加
 銀青光祿大夫遷尚書左丞戶部尚書又拜侍中京師留守兼

理寃滯車駕還京持節河北安撫加金紫光祿大夫轉吏部尚
 書東都留守尋追還守本職廷拜尚書右僕射同中書門下三
 品封許國公修國史今上踐祚拜尚書左僕射屢抗詞乞骸優
 荅不許拜太子少傅公長子夏歷給事中中書舍人嘗與公聯
 侍紫墀按機黃閣前後之拜近古未有公體道貞固立志一作心
 簡直多識前言遍詳舊事自周隋損益家牒可紀公則紹之罔
 不卑綜故閨門之內孝弟成則朋友之間忠心克舉其在參佐
 也婉孌柔嘉醜夷不爭其事藩邸也從容諷議賓寮是仰四為
 即而彌綸之功布于省閣九為牧而循良之績著于州郡周旋
 二轄焯耀文昌迴翔兩宮耀鑠巖廟版圖罔之信而五教在寬
 豕宰人之紀而九流式叙左右端揆盡訏謨之略東西掖閣備
 忠讜之美德逾盛而心益下位彌大而行益恭用能高而不危

長守富貴考父三命謙光數朝平仲一心中浮累聖非至德淑
 慎疇至此哉夫其仁恕篤密清廉簡惠躬儉約以自持蹈名教
 以檢物祿以周給不積於家財以睦親必均於衆故義廣而私
 謁之途阻名揚而兼濟之道宣茲亦叔敖之賢國僑之懿也幾
 深通志精晤默識然文以躋跡一作實靡絢其華學以辨微固伸
 於已故始終機揆舉無遺策斯又子房之智孔明之能也造滕
 沃心務存匡救引過稱善不近於名故聲聞于天而口無擇績
 宣于而事罔專蓋叔子之仁孔子之慎也兼斯衆善以享明
 德方將三階載理兩宮更曜天命不祐闔忽遷殂朝喪其禎人
 殞所戴天子悼馬臨遣大府卿李從遠策書弔祭輟朝三日有
 司備禮發哀追贈司空荊州大都督賻絹布八百段米粟八百
 石凶事葬事並官給賜東園祕器大鴻臚卿監護官為立碑王

太子別次發哀遣洗馬弔祭賻物二百段義和撰日大常考行
 朱旂載路班劍啓行哀榮之禮備矣誥侯之孝終矣公家代尚
 儉載在縑竹是疑作其生也門無主賓堂無宴客其終也塋無封
 樹隧無碑表大漸之始遺令遵行頌等泣血受命罔有踰越雖
 迫朝旨不旌墳壙建碑于塋北一十五里故文藝之行經緯之
 迹雖備于國章布在人口懼違先訓皆略而不書中書侍郎同
 中書門下平章事范陽張公雅俗之鎮具贍令德文章之雅談
 者為楷備公道德之首徽猷可行刊石紀頌穆如風頌曰一作其詞曰
 斤斤蘇公正體張集作體正含道稟靈淳粹為唐元老忠以衛主孝
 以立身文以經國惠以安人司牧九郡九郡爰靜平章百工百
 工爰整千載典憲三朝綱領上慕先人五代相國下垂餘慶七
 子令德帝謂廷碩伊公是似一作非接待侍玉墀序拜金祀聯華疊

潤佐我天子於戲彼蒼園榦云亡地頽五嶽天坼三光備禮詔
葬群官會喪掌史司德刊銘路傍

贈大尉裴行儉神道碑

張說

星辰玄集作象所以殷時布氣然而行不言之道者天也文武
用才所以勤官定國然而收集有致字無為之理也帝也當高宗之
休運任名世之良臣清九流而避四海代天工而張帝德歷選
前哲豈多乎哉公諱行儉字宇約河東聞喜人也其先出于嬴
姓伯翳之後也秦則裴侯始封漢則侍中受職魏晉之代鬱為
盛門八裴方於八王聲振海內三子尊為三祖望高士族自冀
州刺史徽至公十二代中軍將雙虎唐虎至公六葉代無違德
不隕厥問者已大王父伯鳳周驃騎大將軍光汾二州刺史琅
邪郡開國公大父定高太將軍馮翊郡守襲琅邪郡公諸侯受

封山河傳聞天子共理循良克家考仁基隋左光祿大夫以陰

圖王克仗義接舊主遭時不利於折名揚聖唐龍興旌淑勵節

贈原州都督命謚曰忠盡集作春秋之集也公清明本乎世德

正性出乎胎教氣潤河靈貌惟岳立仁孝之道天生而知將相

之器與年俱長以高蔭為弘文生絕事篤學累年不舉房僕射

異而問焉對曰隋室喪亂家亡集作與籍館有良書探討未徧

故少留耳梁公驚曰驥子志氣凌雲一日千里早為通人之自

也如是明經補左屯衛倉曹詔舉轉雍州司士遷金部戶部二

員外歷都官郎中長安令明慶中與長孫太尉褚河南論及中

宮廢立國家憂患有公伯僚諧行於季氏出為西州長史又改

金山副都護又拜安西大都護西域從政七八年間窮荒舉落

重譯向化我之獨賢邊之多幸乾封歲徵為同文少御尋除司

列少常伯官復舊號為吏部侍郎加銀青光祿大夫自居餘管
大設綱綜辨職差才審官序爵法著新格言成故事上元中長
星出天禿髮入塞詔公為兆州道左軍總管又為秦州鎮撫右
軍總管並受元帥周王節度雖祭公有諫擢武之事不而方叔
陳集作師未威之道備矣儀鳳二年十姓可汗集訶延都支為無
此字裴行李遮訶潛構大戎俶擾西域朝廷憑恕將行天討公
儉傳作及進議曰敬玄敗績於茅戎審禮免胄而入秋豈可絕域更勤集作
王師金波斯王亡侍子在此若命使用立即路由二蕃便宜取
之是成擒也高宗善其計詔公以名冊送波斯兼安撫大食公
往莅遺愛洽於人心是行也百城故老望塵而雅拜四鎮酋渠
連營而諮酒一言召募萬騎雲集公乃解嚴以反謀託獵以訓
旅誤之多方間集作其無備裹糧十日執都支於帳前破竹一

呼鉗遮訶於麾下華戎相慶立碑碎葉蓋美克隄不殺而是講
集作要集作人以德而去害審集無窮氛侵於地表輝皇靈於
天外克國有屯田之頌實憲有燕山之銘訂集作茲遠略彼何
微也遷禮部尚書加上柱國又特降恩命兼右衛大將軍夷典
秩宗神必據我文昌有將天道存馬調露中單于可汗伏念外
叛大鴻臚蕭嗣業喪律詔公為定襄道大惣管軍至朔川斥堠
相接匈奴故態狙狙糧以餒師神將出奇張虛勢以陷敵乃為
為轉運伏其壯士示羸師以綏行隱精騎以躡迹寇果大下援
兵奔散驕虜益驚自為得色驅此車牛憇彼泉井於是箱中兵
起千弩齊發要露騎飛一息而至群胡顛沛殺傷滿野從此饋
運路無驚者觀夫大漠無倪穹廬靡所追之逃遂捨之憑陵費
日老師兵家所病公潛使綏頰釣其利心深圖既入狼意亦改

及委罪衙官陰送降叙公密上其事人莫之知及如其期舉國
歸附煙塵大起師徒惶惑公徐使令軍曰此是伏念執溫傳來
降非他寇也俄而銜壁轅門釋縛納欵帝嘉厥勲命尚書崔知
悌乘駟芳軍備禮獻凱冊勲之日程務挺張處昂者行軍之偏
將也詐言子芳集作營逼逐方降大軍又屬秉鈞忌才下上其手
公曰雖不逮辟師之讓功集作加猶耻與二王之競力集作功今而
殺降後無來者乃封公開喜縣開國公而伏念溫傳皆戮都市
是年也伏念弟元珍擁其餘種復叛則天稱制追正宿枉贈伏
念太僕卿程張諸家別故夷族君子以為神理之不也誣也永
淳元年詔公為金牙道大惣管未行遣疾四月二十八日薨於
京師延壽里春秋六十有四長子貞隱早卒嫡孫參玄嗣封藐
是諸孫哀哀童幼高宗焯馬贈幽州都督賜凶儀還鄉喪葬官

供禮部郎中監護窀穸之數率禮有加別勅留守委皇太子擇

六品京官一人檢校家事五六年間侍兒孫稍成長日停寵極

哀榮禮之厚者澤州集作及存沒義莫重焉太常議謚博古多能

文武表式曰憲其年十月葬我憲公於開喜之東良原禮也神

龍中興朝思舊德贈公揚州大都督開元孝享皇帝辛集無此三字

宰嗣延思贈公太尉生不登于集作手台階沒追位乎靈宰序四

時於地下集作下調三光於天上集作上天聖人神教意在慈乎公至

堅厲精神勇識澈藝必討本學皆觀奧又善測候雲物推步氣

象鬼無遁謀靈不藏用着文集二十卷造草字數千文皆寶傳

人間以為代法又撰選譜十卷又為軍營行陣部衆料敵等四

集作三十六訣大聖天后令秘書監武承嗣就家收進以為密秘

述集作三豈比馬卿浮華唯留封禪之草劉安虛誕空傳鴻寶

乏書而已茲加以汲引沉淪推獎氣類虛懷而襟帶不設弘亮而城集作府洞開故虎旅雲從嗣外響應若毛羽之宗麟鳳衆

川之長江河也在選遭見駱賓王盧照隣王勃楊炯評曰炯雖

有才名不過令長其餘華而無集作實鮮克令終見蘇味道王

勳歎曰十數年外當居衡石後各如其言其在軍麾擇帳下之

士則有張知運薛訥閻敬客甘元暉裴思諒王智方呂休璟劉

玄意引偏裨之將則有程務挺張虔弼王方翼崔智誓党金毗

郭待封劉敬同李多祚黑齒常之凡所進拔盡為名將此則有

道之人倫武侯之賞鑒也公之送波斯也入莫賀延磧中遇風

沙大起天地暝暎引道集作皆迷因命息徒至誠虔禱徇於衆

曰井泉不遠須臾風止氛開有香泉豐草宛在營側後來之人

莫知其處此乃耿恭之拜井商人之化城也公在禮闈勅賜善

馬及寶鞍令史奔馳馬倒鞍破懼而逃罪公使召之曰知汝誤

耳又平都之遮匐大獲珍異酋長將吏請遍觀馬有馬腦大盤

希代之寶也隨軍王休烈捧盤跌倒應時而碎叩頭流血惶怖

請死公笑曰事有不意何至重玉而害人乎此又文饒之含容

邴吉之仁恕也公西擒都支北降伏念前後錫馬五百疋僮二

百人金銀器物三千品錦罽織皮三集作百段公受置建中旬

日散盡此又趙奢之待士田文之市義也若夫知人以為本感

通以為行善貸以為常散積以為樂古之友道者從事於斯矣

公元夫人河南陸氏兵部侍郎爽之女也陸氏卒繼室以華陽

夫人庠狄氏有任姒之德班左之才聖后臨朝召入宮闕拜為

御正中宗踐祚歸養松門歲時致禮媯皇集作補天進參十亂

少康嗣夏退叶三從晉朝公卿列拜虞潭之母周官音注近同

常逞之家皇上臨極勞求陰政再降綸言將留內輔夫人深戒
榮滿遠悟貞筮固辭羸備起謝塵俗每讀信行禪師集錄永期
尊奉開元五年四月二日歸貞京邑其年八月遷窆於終南山
鳩鳴堆信行禪師靈塔之後古不合葬魂無不之成遺志也長
子參玄官至涇鄧二州刺史聿脩厥德人亡道存次子延休并
州文水令世載文雄家傳草聖次子慶遠協律郎深達禮樂克
和神人咸負長才同淪短運季子光庭侍中兼吏部尚書輔政
邕熙致君堯舜孝理發乎陵廟仁澤遍乎松楸是故妻以夫榮
毋以子貴以集無尚書先贈方伯申命上公夫人舊封華陽增
號晉國詩云文武吉甫萬邦之憲上公有焉又曰彼美孟姜德
音不忘小君有焉孝經云立身行道以彰集作顯父母侍中有
焉合三德而為家橫百代而濟美信可以言特稱代鏤石刊金

者歟神道前銘薛令所撰且有後命俾余係述焉遷世家益孟
堅之一傳劉寬表墓並伯喈之兩碑報德教忠俱傳不朽銘曰
天生亞聖祚此王國文綜九流武參七德柔遠服叛窮西盡北
赫我皇靈去其蝥賊仁則不遠智何不周如山不峻如川之流
術與神合藝將道遊書來懸帳賦出登樓司馬軍陣官人紀綱
帝嘉常伯國于聞喜室有令妻家成克子社金傳世相珪守祀
神道集作上台永介邦祉

文苑英華卷弟八百八十三

登仕郎胡柯 鄉貢進士彭叔夏 校正

文苑英華卷第八百八十四

文苑英華卷第八百八十四

文苑英華卷第八百八十四

文苑英華卷第八百八十四

文苑英華卷第八百八十四

文苑英華卷第八百八十四

文苑英華卷第八百八十四

文苑英華卷第八百八十四 碑四十一神道二

將相二 梁園公姚崇碑一首

右僕射太子少師唐璿碑一首

侍中兼吏部尚書裴光庭碑一首

故開府儀同三司上柱國贈揚州刺史大都督梁園

文貞公姚崇神道碑

叙曰入柱承天高明之位定四時成歲亭育之功存畫為九州

禹也堯享鴻名播時百穀稟也舜稱至德由此言之知人則哲

非賢罔又致君堯舜何代無人有唐元宰曰梁文貞公者位為

帝之四輔才為國之六翮言為代之軌物行為人之師表蓋維

嶽降神應時出者也公諱崇字元之姚姓有虞之後遠自吳

興近徒于陝今家洛陽馬烈考長沙文獻公樹動王室建旗雋
 府公紉綺而孤克廣前業激昂成學榮問日流武庫則矛戟森
 然文房則禮樂盡在弱冠補孝教挽郎又制舉高第歷佐僕鄭
 並有聲績集本文粹作筆入為司刑丞天授之際獄吏峻密公持法無
 頗全活者衆進夏官員外郎即中侍郎朝廷曰能遂掌軍國遷
 鳳閣侍郎監修國史兼相王府長史始則天人讓王承置醴之
 顧終以飛龍利見延驂乘之恩自時厥後恒當大任凡三處兵
 部尚書三入中書令一為禮部尚書左庶子又肅政大夫惣靈
 武軍兵馬又司僕卿知隴右監牧使出典毫宋常赴許申徐潞
 揚同十郡景雲初以藩邸舊寮封梁國公食賦百室公性仁恕
 行簡易虛懷泛愛而涇渭不雜真率選二本徑盡而應變無窮每
 文粹作亦推是心以御於物故所莅必毗庶風偃桀鷲二本作鷲

化從言不厲而教成政不威而事理去思覩頌耒暮聞歌既登
 邦政卒東輯睦及在宗伯神人允諧今之中書是為理本謀事
 兼於百揆論道惣於三台執國之鈞金玉王度大渾順序休徵
 耒臻懋德格天名遂身遜拜開府儀同三司崇其扶逸其志也
 初大夫人在堂公受任文粹作職西掖頰限局禁求侍晨昏優詔既
 許尋命二本作還職公固請以泣制曰家有令弟足慰母心國有
 棟集作臣安可斲闕其後部符江表新喻起復練麻外墨纒棘
 內毀變禮中權通識所貴神龍之首與間興復疇其井賦累讓
 而停夫以華故鼎新大耋小往得喪而不形於色進退而不失
 其正者鮮矣君子曰忠不忘親仁也衰不違事義也讓功辭邑
 禮也濟代全名智也仁以長人義以和下禮以安上智以周身
 宜其光輔四帝軒冕三紀池臺琴筑優游暮齒傳爵土於祚胤

保祿位於終始矣享年七十有一開元九年九月寢疾薨於東都之慈惠里皇上悼馬國人慕馬撫狀輟春曾未云比制贈揚州大都督謚曰文貞禮也十年二月葬於萬安山之南原在疾也王人賜膳御醫視藥集作御于薨也中使弔臨羽儀哀送君臣之義厚莫重馬子昇子集無弈思綴遺美以寘罔極有詔掌文之官叙事盛德之老銘功將以寵宗臣揚英烈帝乃灑恩仙翰鏤澤豐砥日月臨照於佳城煙雲變態於神道寶其文字別為群王之山禁其樵蘇即表三司之墓銘曰

源深自虞派別從吳避地魯陝居家洛都神明遠契岳瀆冥符翊聖斯偶生賢不孤仁將勇濟孝與忠俱學仞文粹攢植文鋒迅驅終安卑位即騁長途唯實唯有若虛若無再三軍國一二訐謾戎柄尤重王綸最樞兼司任切久政策殊黼藻彌煥丹青

靡俞以寬容物以鑒分區外或形放中恒禮拘箴雖誠口諍亦忘軀但覩渾璞誰詳瑾瑜伊咎尺寸管樂錙銖名遂身正二本

正身言誠願孚方辭漢祿更辱齊祖既積而散窮歡盡娛川歸東極日去集作西哺上惻旒床旁悲路衢蓋田美玉芴浦明珠

戴廣休慶爰弘典謨豐碑乃立盛業其鋪帝念類軫仙毫特紆鐫金刻石鳳象龍圖七耀光動三泉澤滯銓文粹能叙事理鬱

詞敷求舊銘實慙惡殫蕪二本作慙緬思雲露尚想江湖有道之德其可以踰延陵之墓空此嗚呼存沒終始遐哉邈乎

右僕射太子少師唐璿神道碑 蘇頌

欽若於天者謂之代工覆冒於人者之成務則調元氣法三象鼓洪鑪宜萬物其代工成務之本也簡大僚所以服其事明先正所以紹其功十熊羆所以合其應匪徒

然而已哉有唐元老宋公侯疑矣公諱璿字休璟晉昌酒泉人也昔在夏商大夫陳其氏姓洎遷汾晉季子聽其聲樂豈軒之後唐之遺乎既仕楚而聞魏亦家秦而滅項涼武昭王攬中州之傑居右地之盟七代祖晉昌宣王和佐厥威霸守其夷險故累為群之著族粵宣王遠我曾祖驃騎大將軍開府儀同三司贈襄州刺史諱某世伍大將軍二千石大父洛陽令朔方邵贊持贈秦州都督諱某烈考咸陽令贈岐州刺史諱某操斧鉞班珪瑞者耀洪烈於四世垂餘風於百里於穆不已莫之與京公初髫而孤入則孝出則悌承於母兄之旨及冠而立學以聚問以辨從於師黨之言焉張嘉運先授於易森然可見者萬象賈公彥次授於禮垣然可觀者百度射策高第初補吳王典籤歷綿州邑西尉同州馮翊主簿弗之好也嘗欲屠郅支刺樓蘭執

渾邪逐呼韓始自謀於將師終見噐於公輔遂為踈勤道行軍從事用勲至上柱國授營州都督府戶曹叅軍尋以朝散大夫檢校朔州長史蓋養能而成績矣轉安西副都護檢校遼州刺史長壽中武威軍大惣管王孝傑之復四鎮實賴其謀表公為西州刺史步龜沙薄烏壘矛精絕慰渠犂此之謂也公至則扶厥傷止其擅因所利補其闕故西州之士刻石而建碑焉無何遷靈州都督新昌軍防禦營由等使人蕭關殺都尉絕梓嶺討符離此之謂也公至則城彼方要其險狎諸野墾其實故北地之大者有備而無討矣就加銀青光祿大夫入拜左豹韜將軍遷司衛卿未幾攝右肅政大夫檢校涼州都尉假節隴右諸軍事叅警夜之嚴肅不時之禁事典之常者惟公是遷受南憲之寵惣西方之役邦家之急者繫公是任其年翹莽布支率種落

數萬寇於洪源也公訓鉦燭完甲兵以禦之虜見積尸之凶我
懸斬級之賞遁則亡草在而蒙棘他他籍籍不可勝云朝實休
之除右武衛右金吾二大將軍俾仍舊鎮雖貴而不留中也先
后稽六官之本思五法之要自我聰明惟天照一作照鑒乃拜公
文昌夏官尚書同鳳閣鸞臺平章事隱心而行正色不撓功多
微管議切安劉中宗之踐副君旁求中廢特轉公太子右庶子
加金紫光祿大夫知政如故召綺里而稱叔孫也屬駕言北垂
導伐東鄙復公為夏官尚書兼幽營二州都督安東都護按河
北一作朔州軍一作軍州自鄴鄴巡遼碣貪夫廉而忌法戰士逸而
待寇且有倫要而無怨讎神功初徵拜輔國大將軍同中書門
下三品遷特進尚書右僕射食實封三百戶已而居守秦雍今
之揆路古曰台司百寮師師萬事理也分郡關而興之鎮京師

以留之豈富人之始封亦鄴侯之大任位益高而勇退年愈邁
而思止抗聞梳屨密奏封章久之聽致仕進封宋國公朝朔望
天子方崇文太學講武宣揚延首鴻儒傾心碩老復以公為太
子少師監修國史乞言而書法也景雲初匈奴請公主盟使臣
為約未堅致辭或紹因命公為特進檢校御史大夫朔方軍大
惣管以禦之伏宸威肅戎令人莫聞於吠犬騎寧憚於射鵬舉
則全師還而罷事將簡棄軒冕神明芝木然邦有大禮樂大政
刑率由典謨罔不咨度享年八十有六景命不造延和元年七
月戊子薨於長安懷真里第嗚呼哀哉皇上聞哀撤縣出次揮
涕追柳莊而函命一作函命思鄭產而安歸制贈使持節都督荊州
刺史贈物四百段米粟四百石喪事官給仍差官四品一人監
護有加等也太常考行謚忠書不云殷之得傳是用訓朕志而

承其道雅不亡周之命程是用戒我師而就其緒於戲惟公後
明前典允迪古訓愬而成之入則獻規出不言政石建孔光之
比次勝千里通知四夷子房克國之亞為將軍尊重於位而謝
賓客公之不敢專為丞相開陳其端以歸人主公之不敢代如
是則鑿彝器圖旂常載史官列盟府矣夫翠鷁犀象非不驚也
有其用則不全麟鳳龜龍非不靈也無其時則不至若乃時已
偕用不竭身已康名不滅者既明而且哲也公上惟祖禰傍至
功總頃於槐里之間董原之右卜其兆圖其域各以族而為之
度焉臨薨戒諸子曰儉則自完孝不忘本吾之志矣嗣子陳州
刺史先春左千牛中郎將先擇等克奉遺命能循懿業以年月
日葬于舊塋亡夫人太原王氏從附禮也昔禽息進里奚於秦
而穆公之政厚虞丘進叔教於楚而莊王之力霸故有世祝而

代祿馬則我師臣計功胤子弘風小彼秦楚之事大哉常平之
烈謀可久者敢作銘曰

稽古陶唐惟帝之初遷虞事夏俾侯而居曾盤峻峙令德之祉
亦曰綿系誕生君子伊何邦之宰臣宰臣伊何秉我洪鈞登于
廟堂王則是保服于戎狄公嘗致討事惟一心恭乃三命崇讓
頤老歸閑體正天也不愁人之亡亡大夫掌域群公會喪咸陽
北坂渭水南渡其如邢山永此防墓

王則是保

疑作王躬是保

侍中兼吏部尚書裴光庭碑

張九齡

夫道遵常習故蓋人拘於凡也得精忘麤是天縱於聖也方聖
上之拔太師也豈籍譽於朝廷哉徑取士集作才於無跡懸收功
於未朕而終致大用克成休勛使相虛名者見西子而憎貌工
橫議者聞魯連而社口乃知古所則哲雖帝其難今之得人遇

聖為易能允明主之鑒不負貞賢之實者其在正平忠憲公乎
公諱光庭字連城河東聞喜人也伯翳之後與秦同姓始封于
裴因邑命氏在魏晉之際為人物之傑與琅邪王氏相敵時人
謂之八裴八王自茲厥後齊代更盛大王父定周大將軍馮翊
太守琅邪公大父仁隋光祿大夫追贈持節原州都督天之既
厭隋德矣見危致命不亦難乎謚之曰忠憲春秋之義也父行
儉禮部尚書兼定襄道行軍大惣管聞喜縣公贈太尉時或有
姦集作王命矣禁暴安人不謂重乎謚之曰獻遵名之典也公
卿獻公之第七子降神元和舍光不耀越在初服集作已有老
成雖遠大是圖而近識莫悟學探帝載何事小名業絲人倫豈
矜一善弱歲居太尉獻公喪幼以學聞尋補弘文館學生神龍
初明經擢第授家令寺丞轉太常丞加朝散大夫景龍中以親

累外轉尋入為陝王友改右衛即將丁晉國太夫人憂紫毀骨
立殆至滅性服免起為具州別駕未之就也復除右衛即將無
何遷率府中郎嗟乎有其道而無其用不可行也得其時而不
得其志亦不可行也公負經綸之器韜王霸之略自委泊外臺
棲遲下位出入從事十數年間坦然而自若者何哉蓋知才有
所必伸命有所必與非苟而已開元中聖上思光祿之休烈嘉
大尉之元勳是必象賢其將大受特拜司門郎中轉兵部仙臺
之文始應列宿鴻漸之羽可用為儀遷鴻臚少卿以觀其能也
是歲天子有事于岱宗諸侯會朝于行在執籩豆者不限於中
外獻琛集作賁者亦勤於駿奔莫不表享無有遠近而執政以
公代曉邊事職在行人且曰夷狄恃集無此字豺狼犢盟阻德我今
有事戎或生心我張吾師有備無患若何公曰不可夫封禪者

所以告成功也觀兵者所以威逆命也云亭苗扈非一時之事也受服執燔非三代之禮也天方佑我光啓舊服憬彼獯鬻能違天乎無庸勦人可以謀告從之秋九月突厥果使其相執失頡利發與其介阿史德噉泥熟來朝公之謀也東封還遷兵部侍郎圻父之職夏卿之亞存而舉者悉以咨之公於是考遺訓補闕典飾蒐苗爾待之禮詳施稅簡稽之賦周禮大司馬拖貢改拖頒九畿之政設九代之刑以練國容以精軍實邊鄙不聳帝用嘉之既而拜中書侍郎同中書門下平章事兼御史大夫王言其出需乎人有歸也天憲惟明肅乎人知禁也尋加銀青光祿大夫換黃門侍郎俄遷侍中兼吏部尚書弘文館學士惣百揆之樞轄酌九流之泉集作淵奧叶文軌之殷度天人之和木集作水非火象鼎其唯實鍊山川出雲用作霖雨時哉之會無得

繡馬先是大化之行務以玄默遵夫易簡舊章在而不議吏道雜以多端公於是求革故之實契隨時之義作執扶以平之設循資以定之謹權衡以選之考殿最以叅之姦回無所措其邪噶啗不能介其量多士動色群方改瞻仰之者邈乎如山窺之者間不容髮或曰執事無乃惠歟公曰大命敢不敬歟若然方將致六符於秦階驅百姓於仁壽豈直睥睨先正集作世紛綸近古泪而隨流守而物失云爾哉二十年冬上幸河東祠后土命公兼左軍師禮畢賜爵正平男加光祿大夫云集無此字抑人有言曰樹善莫如滋積仁莫如重則戒僖之慶有後於魯藥武之德未絕於人宜公侯之子孫必復其始也公嘗讀易至益之屯與升之漸乃喟然嘆曰物惡有滿而不溢高而不危者者哉既而居不崇侈動無踰法雖百乘之家萬夫之長冲如也謂日用

不知存諸方冊何天年未永瘞此台臣二十有一年春三月癸
卯遣疾薨于京師平康里之松第春秋五十八朝廷哀傷冕旒
震悼制戶部尚書杜暹即殯乎祭集作物五百段粟五百石
喪事優厚官供輟朝三日丁未有詔追贈大師謚曰忠憲使某
官某監護喪事以某月日葬我忠憲公於聞喜之舊塋禮也初
知星者言上相有變良臣將歿謂請禳之公曰使禍可禳而去
則福可祝而未也論者多之以為知命夫天下達道有五所以
行之者且曰忠孝仁安君忠也榮親孝也周物仁也此三者有
一於集作身鮮矣而公實兼之且媚于人者必好其威福賢於
事者必羞其謗政公知其然則以直道匪躬之故忠莫厚焉禮
為人子春秋以致享義於人臣夙夜以從命公知其然則以特
告如在之敬孝莫重焉夫以衡石之任陶鈞之力莫不責於下

吏求備於一人以故舞文雷同疑獄歲構恬而不改浸以成風
公知其然則以信寮御物之惠仁莫加焉其行已奉公皆此類
也嘗所著述率于箴規以為惇叙九族本枝百世集作王者之
戒也而義不可以無訓作瑤山往記維城前軌以諷之微而彰
志而晦聖人之舉也道不可以虛行作續春秋自戰國迄于周
隋以統之臣子之義也天人之際備矣非洽聞通理其孰能與
於此乎宜其存無幸人歿有遺愛嗣子稹京兆府司錄事參軍
孝實克家動必中禮丕承後命鈇天鑑而增華敢跡前修琢豐
碑而不朽銘曰

益作舜虞鍼分晉土慶流八族德威三祖琅邪象賢懷文佩武
光祿忠烈殺身報主尚書出將恢我王略文教內敷武功外鑠
緇衣之弊惟公繼作用晦而明處豐思約鴻臚好謀夏卿稱職

代天施化佐皇立極納于憲府好是正直乃宅冢司謀猷允塞
盡瘁事國夙夜在公居無闕政歿有餘忠天子命我頌德銘功
日月有既令問無窮

文苑英華卷第八百八十四

登仕郎胡柯

卿貢進士彭叔夏

校正

文苑英華卷第八百八十五

碑四十二神道三

將相三

故相國杜鴻漸神道碑一首

冀國公贈太尉裴冕碑一首

故相國杜鴻漸神道碑

元載

皇帝正位建元之二年巡狩至陝郊李冬旋軫鎬京乃春王正
月臨前殿延群臣制詔太常卿衛公鴻漸研機味道圖疑作翰
人師俾時本疑不迷侍以為相史臣載輿公同官西掖聯務中
樞入則並金門躋玉堂出則車輿馳廣路好我不淺德公亦深
逮于薨殂得入公之室睹公之輿節以難危而固義以顛沛而
彰故得復公之道察公之行開而當名品物定辭觀公之辨政
消煩解結逢機立斷試公之與勿樂未扣猶陪行止彌留方殆

必參膏藥禱名者世人之所重終不為天適見公不在居死者
 有情之至哀賢於貴生益知公之能達古史之云流美而不揚
 乃廢職書而或略近亦誣若然者則開盛德於山阿藏茂勲於
 王府可也公帝堯之胤家于京兆春秋末諸侯耗盡炎黃唐虞
 之苗裔鮮有存者范宣子猶廣稱世閱盛誇搜叔而經秦涉漢
 百王千古名公大人駢衡繼武玄宗朝叔考暹門下侍郎平章
 事以清節居東府垂拱中大父慎行荊州長史以文武式南邦
 開元之際皇考鵬舉安州都督以大名莅淮浦公杜陵男子遼
 廓不羈性與道合旁通多可思挹溟海自涯皆返將窺語嘿杳
 然難究輒孩老子聖人皆孩之時人不屑下位歷揚參軍華縣尉大理
 評事司直關內支度副使虛已而不庇於物存誠而受汙於俗
 天寶末將相交際海內寒心家有襄陵之憂人懷崩角之懼公

以為期死不勇必生非任莫肯念亂誰無父母於是始有濟難
 勤王拯溺定傾之意祿山果憑豺豕凌虐京畿恐洛成壘荒嶠
 函為障塞命信臣粹一作率扼二華之險守河渭之隘以挫其鋒
 分河隴材官據南陽當宛葉以遏其勢朔方節度中書令汾陽
 王發緣邊利兵略雲中出井陘以制其後汾陽拔公為戎副倚
 公以幕畫公議無返顧計不旋踵戒噐戍乘接食饋軍斯須決
 機閑暇辨劇故佩鐸兗徒未鼓而破恒陽逆守先聲而屈時大
 兵深入後計在完勅公西歸本軍鎮撫喻告調發兵食保綏華
 戎會哥舒翰一有內忌二字出師桃林以不計合戰既而從散約解形
 離勢沮六軍折北莫濟上將授元而不歸強胡犯關長戟指闕
 玄宗西巡巴蜀駐蹕槐里俾肅宗不從詔馬下受辭徵兵朔方
 東向問罪付以神器之重勗以興復之謀肅宗承命感咽北馳

惶怖邠郊無館穀之搗安定絕新芻之錄始誅二守物情尚惑
衆纔一旅邊群猶驚遂踰平涼出蕭關直趣豐安阻河為固公
乘疾一有涼西上奏謁於白草頓請借前箸以圖安危靈州四
臨兵車之會長安新破人心正搖姦豪竊窺雜種園目衆精一
呼而可潰危機視景而斯發此轅未改捨此奚之豐安僻界西
垂北臨沙漠候吏不至疲兵徑渡儻軍門晏閑迴舟未具蒼皇
朔裔蹈擗無所非策之上也因條列市租計入幕府文書守便
宜山川要害肅宗撫公背曰靈武即我之關中河內卿亦吾之
蕭何寇恂勇在目中凶讎不足殄也即日大駕移幸靈州守則
完邠戰有全兵伐鼓舉麾下令風生東臨榆谿西洎先零莫不
裹飯而趨揭弓而走重足揮汗惟恐居後肅宗雖受傳國之誥
平戎之約謙讓未發守持益固願以撫軍討賊盡歸報遙稟威

略不正位號公與御史中丞裴冕率呼韓單于羌髡君長校尉
部曲塞翁老将頓首勸進封章十上肅宗深自閉絕留中寢答
公獨排闥及雷披誠見意衰辭扣玉瀝血洒一作地以為命不
得廢雖不可玩稽天後時物駭人散文武之業墜而莫振非天
子之孝也上亦躊躇感動迴慮遷思公乃陳儀撰吉登帝大位
於是義徒推轂迴紇橫勵蹤踏咸陽網羅閑外救楚請命夷凶
滌穢收秦復洛翊帝霸世皆公之力也定策之初既以大功推
裴郭疇庸之際竟以常資為侍郎達者多公之遠名明主善公
之能讓披我荆棘在主簿而難忘於良布衣固封留而已足五
涼四戰之郊一作國荆州用武之地會稽制河之險二都初定九
服猶震傾側動搖三方尤急東西萬里出入十年伏節擁旄更
居迭撫公之在鎮河西無盜邊之警洞庭息三苗之錫海寇不

動甌閩順軌得公之効也如彼公之罷守表昆陷山越康元燒夷陵大戎奪酒泉匈奴舒右臂失公之患也如此今上即位以公先帝大臣明於治亂漢廷儒雅習於制度往踐常伯登于相府禮崩樂缺自公綴之國綱天憲實公持之為上從容論天下事甚衆潛跡密啓一作疏明可否者非一慎深於削藁功隱於詭詞永泰中西南大將暴很遙震腹心坐離師衆四潰雖事迫理順而形疑勢拒皇帝憫百姓之不辜哀將校之罹毒公奉辭授鉞單車詣蜀辨邪正於一言安萬夫之反側始公未至皆鳴張內恐狼顧外視及公申令則飢疑作德飲和且舞式歌岷峨既平雙流已清衛公告成乃眷以寧帝曰丞相善謀能權蹈難履危勤略憂邊彫弓弭旆策勲勞旋公拜稽首天子萬年公有濟世戡難之才遺物離人之政自深根以寧柢每乘流而汨波及

位極台衡勲高梁益未脫羈鎖終悲晚暮雖陳乞已屢而優眷

愈深未朝之明年首夏初吉以東都河南吳越荆楚保釐之任

分鎮之務俾公居中惣統遙領是歲仲冬月朔羸憊遜位及乎

既望生涯告盡留誠諸子申約道侶罷塗車芻靈之送黜聚儂

豚捐之飾捐牢廢醴不封不樹解綬脫紳稅囊親主疑作待久

客一作得而稽變是留歸而隔至從吾所好示祛俗累乃隱几

喪偶知常委蛻恬馬而終晏然而逝非合氣於漠得全於天駭

形而忘損心且宅而無情死者其孰能至此極也惟公學奧九

流技括衆藝忘象遺數達者知禮存於身而致於用也吉凶悔

吝散微破詭應於化而鮮於物也技經肯綮理悟神對宜其翼

宣大政左右明聖位冠群后聳施未裔載不虞非據偶得累公

貴重憂深心昏意擾公則弘我以命起予以道未嘗不體平神

清忽在世表以過必告我躬是保實欲依公勦力仰答玄造然
後乞恩歸印相誓將老今左相齊公與子雙拜齊公金才稀售
懷寶鄙試塵垢批糠陶鑄名器頡頏委運俯仰隨俗及乎培風
撫翼立朝當園則骨鯁魁壘奮揚蹈厲端莊寤王飢渴憂世執
邦遵法起墜振廢方知達觀無早計月固不勝火逢指就而知
人折大木而惟我時稱並用王杜所謂同登管樂式是百辟惠
余小子為新非故服我甚忘散褻未卷高楸已行唯余與王相
顧永傷鄙夫誅德齊公洒翰終愧強名慙祭篆之以疑其詞曰
陽驕必折陰勝亦邪剛柔雜居賢聖之家堂堂衛公舍和用中
為保自易當難不逢首陽誠拙柱下非工鋪糟末位致命危邦
自西徂東足研頭蓬簡稽衣食賦政理戎經營指麾雲合風從
定計翊帝革暴鋤凶退殊獨潔進不爭功出征入鋪計文經武

洗蕩三蜀雍容兩府神邁形局思深志遠封禪留草東山不歸
台光坼曜白晝徂暉依仁孔夙履信不暮自天之祐宜無悔怒
天之荐瘥特耗數齧如漁思涉若廢綱罟或歲大旱孰為霖雨
生公則惠喪公何苦形有必待魂無不之誰存封域誰制喪期
平臯澶漫野蔓離披延陵已達弋者何知

冀園公贈太尉裴冕碑

前人

王者纂大業以極時難君子合天符以成聖功在殷人之傳說
周之申甫漢之傅陸其類也臨大事一作患首大謀君人正位邦
國是憲其道也三炎二字疑圭火龍玄社朱戶其祿也古之人遇
其時行其道濟其業受其祿嗚呼裴公斯近之矣公諱冕字章
甫河東大族著於系譜曾祖澧州刺史諱懷感祖滑州司馬諱
陟考長安丞贈司空諱純自司空而上世累清德公全樸以受

其形器混冥以養其精和隕然大不為累方駕前古其禮容誠
敬可陳於蠻貊施饗一作於鬼神宜乎吉凶變幽幽一作而偶聖君

精義致用而審天道天寶十四載皇上避狄于華陽肅宗偽遊
于幽朔公以御史中丞奉詔翼贊元良釋位濟河會于靈武與
侯伯卿士官師亞旅考大德除殘之運唱靈祗億兆之心負金
璽玉梳為人請命于西土維天意群謀是告而蒼生災害是憂
于時冊禮既畢公乃自左庶子拜中書侍郎平章事從時望也
帝曰予欲教熊羆食獍獠公於是乎請薙于岐陽朝於艸宮以
于鉞陳師以蠻夷誅暴功定大業運開中興帝曰予欲端百揆
詔典司乃命公為尚書左僕射於是乎綱理庶工四方未同左
右終始十有三祀初自縣聯屬署監察御史嘗有姦蠹吏公按
之特寵權臣之戚也黨其化而請于公公竟正刑書不為勢屈

時論以公有不可奪之節故肅然由是歷銜御史尚書郎者五
其中以直遇坎牧蠻溪者二以時當任兼憲臺鎮梁益各一以
勲封冀真食五百戶以扶開府儀同三司大曆有十四年冬

十月今上念伊尹之一德思孔光之再起詔復入相旬有二日

兼河南江淮副元帥東都留守是月辛酉薨于長安年六十七
翌日冊贈大尉明年二月葬于京城南畢原詔京兆尹護喪事
贈布八百段凶儀葬帛具俾出有司昔在天寶之季公嘗為御
史大夫王鉷讚毀無何鉷弟鐸坐大逆有詔廷辨而兇首詞引
及鉷公自下列抗其矯誣朝廷謂之不黨其後程元振借用威
柄有道從虎賁公停車致詰面折及雷在黜無愠德仁遂行君
子謂公誠盡於忠者在於禮外其身故臨難不惑一其守故當
事則明磅礮乎死生之間道遙乎晦明之境公嘗比使殊俗班

命禮喪單于君長稽顙屈膝覩王商而知懼從魏絳而未服以
言尚其直以動尚其順以成事尚其濟物以進退尚其得中孝
悌愛敬格于天地博信明義通于鬼神帝王得之以奉天時百
官得之以修典憲佐命者二后歷仕者三朝皤皤華皓為國元
老執璧奉珪一作觴在君之堂生食邑土歿垂惠愛豈祿以為尊
者其孤正授辭家老請志于石以代三鼎林鍾之義銘曰
元精一作混元降靈建乎人極邈矣冀公順帝之式鴻造覆育大鈞
埏埴業濟功成保和居直帝念髦碩二登鋪翼為時養賢以及
萬國昔在上帝降命元老以仗愷元一作伏蚩尤以明至道唐歷中
否亦命我公順人載疑作戴天戡黎伐共德謝星隕仁沉海竭大
厦梁崩崇山玉折領袖前古綱緯耒輟憧憧豐碑耿耿鴻烈永
傳億祀遺芳不滅

文苑英華卷第八百八十五

登仕郎胡

柯

鄉貢進士彭

叔夏

校正

文苑英華卷第八百八十六

碑四十三

神道四

將相四

太子太傅貞憲趙憬神道碑一首

太師忠武公渾瑊碑一首

尚書左僕射宣武軍節度使薰晉神道碑一首

故正議大夫守門下侍郎同中書門下平章事成紀

縣開國男賜紫金魚袋贈太子太傅貞憲趙公神道

碑銘

權德輿

在漢孝宣厲精理道則有魏相通故事丙吉知大體百職脩明
中興有聲惟皇帝在位十四祀得賢相成紀公趙氏受天清淳
佐時緝熙本洪範之正直躬大雅之明哲右輔左弼調龢罪味
降祥而生盡瘁而終時貞元十三年年六十一皇上震悼不視

朝三日詔奉常具儀法冊贈太子太傅又俾百執事為位哭於

其庭弔祠禮贈集作率有加等二府之屬或銘其德於壽堂或

狀其行於考功有司稽實謚曰貞憲公之盛業斯謂不朽又舉

其始中終之略識于神道公諱憬字退翁天水西人其先成子

之文宣子之忠文子之知人左立明大史公實書之魯王父仁

本皇司列少常伯同東西臺三品以忠清厲翼多所發明乾封

總章之際號為稱職王父贈趙集作州都督誼歷右司郎中乾

封縣令司僕少卿烈考贈鄭州刺史道先仕至洪州錄事參軍

惟祖禰舍章故慶延追錫崇構丕矩復大於公公保抱之歲生

知色養羈冠集作之年則無幼志及夫被儒服踐法言敬直而

文肅莊而溫端誠博物錯綜古今非大中至正不按於心術寶

應中玄宗崩肅宗幸梓宮有司議方中復土之制時西鄙日聳

歲饑人流公以王者追孝恤禮宜儉褐衣上疏詞約指明君子

曰此劉更生諫昌陵之言也息偃江介名聲籍甚始佐州師乃

辟戎車自試守江夏尉三遷至監察御史其後翹車繼轍賢侯

虛左大凡難理之府皆待公為重歷殿中侍御史太子舍人集

舍中丁太夫人憂柴毀孺慕台將死孝感導善氣降為嘉生有芝

煌煌秀于壞樹之側公默而去之人莫知者既免喪徵拜水部

員外郎未幾檢校工部郎中副相中七州軍士居一年詔領留

府尋踐方伯以中執法錫金印紫綬罷秩家居拜給事執法疊

懷和北狄有下嫁冊命之禮復兼憲丞以副皇華旋軫未至遷

尚書左丞峻人用彰皆以貞勝其初撫封上符于漢中守臣之

任憂寄愈切公恤隱布和仁而愛人輿師知訓善吏樂職行之

三年教化明備底貢有藝賦政不煩絮矩以杜竒表露章而无

吐茹飛語雷動明誠山立受代踰年事實敷聞故有左曹之命
 講貫舊章惟直是視刑或失入議將心還公望日盛其勤靡監
 故有和戎之役致賜諭旨協寧殊鄰疆場之言專對而不給紀
 綱之僕承事而不征保就安利北方感悅故有在途之拜整南
 宮之紀律稽即吏之功緒風望素重法制尤精嘗歲終舉吏可
 以長人者或以其細故深詆將以病公公乃移書自訟請下其
 考大博大之度無怨款之私一臺承式六轡在手持綱體要善
 否有章故積公輔之望貞元八年夏四月拜中書侍郎平章事
 明年五月轉門下侍郎以厚德載物以全才宣化舉直盡忠敷
 納集作持詳集作明正王集作百是度之本去一朝之便是有統紀心無面
 從嘉謀臣英華避諱言鎮定弘大謙厚而不伐持平而居易閑邪
 塞違貞厲而不校陟恪始終帝載用和戲夫先正集無常伯歷

左肅機東臺侍郎克著休功再參大政公皆踐之是以似之嘗
 以為漢廷諸公罕備有集作其用以石慶之醇謹而不能關决節
 宣之方略而失於煩碎翟方進之通明而固其位公孫弘節儉
 而近於名公備集作偏有其長彼實多缺唯丙魏所履我無愧焉
 嚮使天與之年盡行其道則公之所化可勝既乎故其登庸也
 士之仁者相賀而不仁者相弔其全歸也士之仁者相弔而不
 仁者相賀斯可知已至若睦中外之姻而均其祿賜嚴宗廟之
 祀而不理弟室啓手足之日家無餘財奉終即遠待恩禮而後
 備難矣哉嗣子宣亮全亮元亮承亮等伯季以門子為弘文生
 叔仲始解巾受祿皆稟德風幼而孝謹以十一月景午時得吉
 卜奉公之喪祔窆于河南緱氏縣景山之原禮也以德輿叨居
 宰士嘗辱深知職奉贄書備詳盛烈俾刻金石聞于無窮銘曰

晉有成宣代稱忠勲先正常伯匪躬事君績復於公為時獻臣
德不踰開心不違仁貞其所履以翼天子大猷集作猶是是經中立

不倚乃賦明命宜躋遐紀吾道方伸脩途遽已緱原蒼蒼宰樹
成行令名章章樂石在旁意嘻大傳之風永代不忘

故朔方河中晉絳邠寧慶等州兵馬副元師河中絳
邠絳度度支營田觀察處置等使元從奉天定難功

臣開府儀同三司檢校司徒兼中書令河中戶上柱

國咸寧郡王贈太師忠武渾公神道碑銘 前人

天地訢合以生百物文粹作嘉其成歲功也則有震耀肅殺之

助焉君臣保乂以熙百志其講武功也則有經綸翼戴之輔焉

龍地起蟄山澤通氣與運相值有開必先斯太師所以宣力四

代稽謨七德輝耀威靈勤身曜行集作征是風行乃緝熙

于光明故瑀弋淑旂以嚴師律黃流玄衮以正台耀湛露彤弓

以覺報宴納書追命以榮恤禮蕃始終如公之功公諱城字某

其先夏姒之後為淳維漢之之代為渾耶或強以文粹無為國

集作或強或分以保文粹無姓貞觀中開置州壤就加官師曾

元慶慶皇豹詭衛將軍靈丘縣開國伯祖大文粹壽皇太子僕

贈尚書左僕射考釋之皇開府儀同三司太常卿兼御史中丞

寧朔郡王贈司空惟靈丘紹先公之職居次卿之重僕射以積

厚克家寧朔以偉才雄邊貴仕崇勲乃列第社流光追遠是加

密印回復介社間先元臣功昭于前人德合于大君建中癸亥

翠華西狩公以大司馬艱貞翼從部勒戎車揣摩殺機勤勞行

內為上心膂登壇授律誓命交感如漢拜淮陰侯故事而又加

焉乃進左揆遂參大政惣賦與而為之師長恢王略而以之北

伐兇黨盡銳壁于武亭公以事鉅師老則傷威重正合奇勝在
於疾力奮寡擊衆鼓行無前殲夷潰弱如建瓴水中堅席勝又
覆於咸陽長穀啓行既門于延秋會西平王以東諸侯之師清
宮獻捷公乃抑其賈勇須彼成功室士心之尅伐息兵火之氣
焰然後窮追斬級冠孽以平備法從於清蹕捧大明於黃道告
類薦功登拜上台撫封戶正復與虜确文粹作會時伯平王出大鹵
收絳臺而公已惣成師下左輔於是輯忠力揚可鋒復離宮按
堅壘衝文粹作衝陣壓境傳于蒲津金鼓之聲氣相合山海之表裏
皆復渠魁授首師帥協附安流以濟方軌而前士不離傷文粹作罹
傷集作離場集作工不易肆二文粹作珍寇正刑四方咸懾論道進律乃平水
士秉誼靖人以修班制休嘉賁于草木利澤建于鰥寡言爲軍
志動爲吏師貞元景子政成一紀進掌邦教遂居右弼十五年

冬寢疾

集作病

十二月辛未薨于理所享年六十四皇上悼歎不

視朝五日冊贈大師

集作賜

諡弔祠有司備物大僚襄事明年

二月甲申葬我大師于萬年縣洪固原大常跡其功德奏謚曰

忠武禮也初公年十一以將門子仕于邊部未弱冠五遷至左

驍衛軍始從朔方之師戰黑山次從隴右之師摧石堡又嘗西

出臨北奪昆夷之善地而爲之壁壘北絕大漠破儉狁之堅甲

而焚其廬帳又從汾陽王臨淮王討反虜于山東南攻蕢皇北

取貞定射其特將李立節貫于左肩斃之又五遷至太常卿皆

以功次其間開地于河曲以靜九蕃宣威于陝西方定三川凡

王師之所以剋獲都邑元老之所以發揚蹈厲公必居其先偏

而當其勅劇故以御史中丞爲靈州左司馬以御史大夫爲邠

州刺史以工部尚書爲單于大都護專征上郡榆林之地入爲

左金吾衛大將軍又以戶部尚書奉普王出車之重自特厥後
投艱感聚能納大忠以恤大事理蒲十六年再陟公台以司空
兼侍中以司徒兼中書令大凡歷官二十八次真食千八百室
居節制者五府元帥者四材力絕人始封樓煩方內洽平乃進
咸寧凡汾陽王九伐之勲公皆左右四履之地公皆踐歷憫用
師禮法謚尊名公皆如之所不至者壽而已矣惟公厚性寬中
智謀深靜秉義類以賦明命植端誠以糾王慝講功述職遠意
長利執德之柄蹈禮之與致其用以格天啓其心以沃聖協建
皇極為宗工元龜雅好左氏春秋班氏史得考父之恭范宣之
讓驃衛之功略黃韓之教化又嘗慕太使公自叙著作集無行
紀文粹一篇詞不矜大而事皆明備有子曰五人曰殿中少監
鍊太子中允鎬太子司議郎鉅櫟陽尉銅雲陽尉鐵著位于兩

宮以奉朝請試吏于縣內以脩集作事任食德而才稟訓而忠

皆以純孝致其哀敬令弟輔國大將軍右領軍衛將軍武當郡

王圯與諸孤等推烝尋景鍾之義因識集作表以聞有詔詞臣

刻石傳信及採其贊書侯表作神道銘銘曰北載斗極陰方尚

武玄金朱轡錫命都府大師間代感會雲雨四征庇人九合尊

生昔未成童則能肆勤卓行深入致果忘身弱冠摧鋒環列南

軍中興之後書社策勲援抱兩河轉戰三秦靈朔郿邠所居必

聞出統蕃衛入司徼循時丁阨難節冠羣倫逋誅煽結狂穢宮

闕西平鞠旅公亦授鉞既臨延秋如火烈体士退舍時惟不伐

稷沴濛濛蒲津未通北平釋位公實撫封胥命長春克成厥功

開僻勞軍靡有不同以律則戒在和而克時惟太師有嚴有翼

乃敷仁澤乃布條職時惟太師有功有德三公二府是獎是陟

樾印易名以尊以飾材官介士鹵簿悽惻太樾鮮原終二本南

作中

之北萬邦作憲永代是式追琢馨香與唐無極
故宣武軍節度副大使知節度事官內支度營田汴
宋毫潁等州觀察處置等使金紫光祿大夫檢校尚
書左僕射同中書門下平章使事使持節汴州諸軍
事兼汴州刺史上柱國隴西郡開國公贈大傅董公
神道碑銘
前人

漢興五代孝武思理膠西相陳天人之際王道之端昌言大統
對紀條貫純嘏積厚遠而寔明帝唐九葉順考古道隴西公兼
集作將相之重承尉衛之崇啓心宜力作率慶事陟恪宗工能
積其烈公諱晉字混成河東虞鄉人庶忠溫厚潔矩通理秉義
以立故不為利疾知動之微故每與告疑作會初肅宗受端命

以合兵車思欵去元元於湯火致王度於金玉以文告文讓遠
猷密命之為重也故公解中技荆校文視草凡三徙官被以采
章代宗御天下乃清吏職以為文憲彌綸陪貳事任百辟交脩
則理道洽故公再入御史府三為尚書郎歷祕書立長府奉常
武侯之亞今上建皇都以纂鴻業恩代天工俾寧方內故公出
入屯夷昭明有融中居大僚以至柄用貞元伍年春三集作月
拜門下侍郎同中書門下平章事居五年除禮部尚書用耆碩
俊德轉遷立部分正弘化以本官畢命為東都留守東都畿汝
州都防禦使安危注意以左揆持相印充宣武軍節度汴宋毫
潁等州觀察處置等使十五年二月丁丑薨于位享年七十六
罷朝三日追命大傅有司易其名田恭惠職喪法賻皆峻彝等
所以視其踐履而加優之也初公以祠部郎為出疆從事北方

之強驕蹇吝貪代功怙力徵我厚弊使臣指顧公攝其詞詞達
氣直虜皆震伏輝威命於專對輝光華於外區仁者之勇沛然
餘力其為太府未浹日而理乃珥貂蟬實兼憲丞含章以承顧
問秉直以司紀集作純律脩起故事京師肅然其為華州徵赴行
內以祭酒亞相使于北河其狂也薊門不出關東多壘習俗故
態且相附離公則破其從約使循軌道其還也蒲坂既阻王宮
未清婪婪二逆恣睢相合公則折其兇謀因以鬱沒憑軾有勞
扈蹕而旋益用尊禮大其職業司徵循也五校嚴備持重而不
苛處網轄也六職遵脩舉直而不紊典禮樂也百神咸秩薦信
而不黷其為相也上戴元聖下熙百工柔惠小物協寧大政推
明常古之制章叙理平之業粹和而不耀敬讓而不居言陳於
前不可悉數拜章八上然後得請其撫封也尤為難理先是在

宥推恩叅授兵柄至有恃凶器以邀好爵者氣燄不還風波相
沿是邦再亂人用恫恐上以為陳留天下之郊也非素重臣不
可以率先賦政公既受命與一二從事記室儒服而前不待裏
言不持扞衛寬信夷易闡然風行長城大祭蘊在靈府悍將伏
罪齊人樂業四隣諸侯折中於公居四年政城疾力累求入覲
因條陳利病請制於未然上難其繼以至沒代嘻夫一邦之人
得公而理失公而亂刳介夫殺大吏猶原燎川潰於不可遏嚮
公之嘉猷密疏如前知馬其明智歟董氏在春秋時書法不隱
在戰國時贊名命聞於諸侯自膠西而下淳耀滋大在魏有司
徒昭在蜀有尚書令允扶義納忠以幹機衡其族舊矣公曾祖
仁琬皇梁州博士祖大禮贈右散騎常侍考伯良開州新浦主
簿贈尚書左僕射三代有令德而無貴仕蕃祉所鍾發為追崇

宜哉有子四人祕書省著作郎全道祕書郎溪大理平事全素
大常寺大祝澣等其承學也專其就列也敬漸焉而孤纍然以
衰日於先遠象數協吉以其集作年十月丁酉奉理命家法簿
葬公于河南縣萬安山之原以前夫人南陽張氏繼夫人京兆
韋氏附焉從周禮也惟公自筮仕至捐館四十五年無伐善無
違德歷官三十六皆以禮効聞自建中以還居中公闔再調鼎
實一人而已范文字所謂唯厚德者能享多福惟公有之全道
等猶懼懿鑠之不永于後與陵谷之有遷也以德輿奉行公之
命書者三宜金石刻故跡其誅謚而為之銘其詞曰
后王材成雋又昭明以建皇極甫申居內方邵理外周邦是式
於惟隴西求福不回文武宣力調和公鍊整訓長較柔惠且直
膠西章道可佐王屈相下園綿代儲慶至公乃或位實配德子
子干揆昔往浚都俗既紓息翻翻素旗今旋洛師人用悽惻惟
是壤樹資於四布萬安之側德輝在茲永代有詞干以篆刻

文苑英華卷第八百八十六

登仕郎胡

柯

鄉貢進士彭

叔夏

校正

文苑英華卷第八百八十七

碑四四四神道五

將相五

齊成公神道碑一首

左僕射賈耽神道碑一首

故中書侍郎同中書門下平章事太子賓客贈戶部

尚書齊成公神道碑

權德輿

有唐文學政事之君子曰相國齊成公諱抗字遐舉清方粹溫

潔矩秉彝明誠盡性切磨集作化育之道精義入神旁魄天人

之際以忠事君以病乞身乃去台宰乃儕商皓然後撤琴瑟啓

手足歿無違德以從先大夫於九原易名曰成不亦宜乎公

定州義豐人自太公表東海桓公匡天下為國為家或哲或仁

烈祖贈太師府君諱幹歷給事中中書舍人吏部侍郎止於平

陽太守出入陟降中行山立至今言開元名臣者稱公有遺直

遺愛馬實生先公贈園子祭酒府君諱嗣履道貞厲仕至龍武軍倉曹積厚於上流光於下其位不充故大受於成公公既亂而孤哀過成人屬幽陵橫潰中夏如燬奉大夫人安輿違難於越得子州支伯之故地而偕隱馬誅草茅以順居息悅山水以資仁智方茂天爵用觀靈龜嘉昭重問奔走以俾至虛已弘道從容而翔集吳郡張相君謚方以仁義理濠上得君為榮及進律于成師于岐累為命介若驂有新建中中戎王請大和會以休寧西方右扶風綿亘汧隴地當甌脫且有成命正其經界公實佐中權登壇泣盟得其情數與之約結克就衣裳之會用銷邊鄙之警自解巾三遷至殿中侍御史俄屬涇旅竊發群兇挺災天子展義於旬內王公死難於理所百舍奔問至于行宮拜侍御史有詔以蕭黃門復布愷澤于東夏命公為工部員外郎

以贊焉復命轉倉部郎史李懷光阻命于蒲連兵未解關中飢旱經費不足轉果饋軍濟時之艱患求才急病命使以專達遷兵部郎中兼御史中丞以薰其任俄拜諫議大夫當軸者不相容坐婚親細故出為處州刺史先是山越寇攘蕩覆城寺公乃卜勢勝之爽塏因習俗之便安三時不害百堵皆作朝典陟明拜蘇州刺史吳實劇部大田多稼浮淫胥浚吏禁或弛占著名數戶版不均公乃閱其生齒書其比要強家大猾不得蓋臧介特單輕輿之紆息已日乃孚厥猷茂焉遷潭州刺史御史中丞湖南觀察使以嚮時二郡之理而弘大之其仁可知也左曹理本徵為給事中周郊寄重擢為河南戶盜有宋瞿曇者白晝推對為群偷囊橐三川病之幾三十年公法令嚴具網絡張設名文粹捕魁宿使無遺類指顧之間擒檣如神乃作祕書章明文

雅修舊以起廢乃作太常統和神人節事以辨志便蕃大僚其道乃光德宗皇帝方以堯舜氏聰明之道馭天下用賢人克相位拜中書侍郎同中書門下平章事熙九功之歌質百官之成損益文憲化裁形器精微以折中密靜而不伐或事隱於造膝或言行於悉初天官氏每歲表他曹即二人閱多士試言弟其甲乙春官氏俾考功郎文粹有中選孝秀之親故者而進退之公以冢宰小宗伯為官人取士之本蓋天子有司之重一有寄字至於避小嫌亂舊章適滋岐旁孰謂高鑄蹇垣坦之道豈如是耶然後闢莊付文粹作衡尺遵公是之路去自便之私天下之人謂之理道尋有詔修國史昔孔父無位以空文為一王法公當或聖之大用宰司愬直筆其於褒貶勸懼明馬勤慮盡瘁積成寢恙累章乞告改太子賓客遭罹不淑贈戶部尚書時貞元甲申歲

夏四月春秋六十有五夫人河南獨孤氏其官某之女賢明蚤矢繼夫人蘭陵蕭氏其官某之女仁順有禮法嗣子餗銜恤毀瘠侍公裳惟以其月日附于東都某原喪祭哀敬君子以為有後惟公深而通肅而寬出處動靜必以中正敬用五事暢於四支資性儼恪尤長鑒裁在岐也薦齊忠公暎佐蕭也薦慮恭公邁皆至宰相其他推轂下士為漢廷臣成天下重名碩望者不可勝書凡所論著皆研幾析理弘雅夷遠洪州文宣王廟碑張蕭盧三相圍碑誌本聖人教化之順推大政譽明之道固其性術講貫而發舒乎斯文文集二十卷中倫體要盡在是矣公薨五年餗調為洛陽尉永惟先烈未刻豐碑以德輿夙承湖海之舊中忝掖垣之屬他日奉代靡形話言獲於遺編實見陰德顧茲無似有玷知人濡涕含毫以表幽宅銘曰

昔在營丘大風泱泱有倬平陽令聲章章不踐宰政慶貽子性
倉曹舍光大學追命厥生中書東摠集作哲居政集作鵬起扶
搖鸞翔慶霄乃登紫微以瑞清朝吉凶糾纏寒暑結轡其生有
涯其用未極壽冥冥冢樹森植揭茲馨香終古是式

左僕射賈耽神道

鄭餘慶

公諱耽字敦詩其先長樂人也七代祖元楷因葛榮之亂避地
始徙家於浮陽隋開皇中改浮陽為清池今為清池人也烈祖

遠則皇德州長河尉祖知義皇沁州沁源主簿贈揚州大都督

考琰之唐宰相世系表作元琰贈尚書左僕射皆才光道隘器位非偶積

善有遂鍾于魏公公天寶十載明經高第乾元中授具州臨清

尉州縣之職與公非冥兵戈甫興時不韜才公詣闕獻書授絳

州太平尉太原節度王思禮察公器重識高涵泳萬頃署度支

判官轉試左驍衛兵曹試大理司直監察殿中侍御史職並如

故遂遷檢校膳部員外郎兼大原少戶侍御史比都副留守仍

賜金章紫綬就加檢校禮部郎中凡歷數使賓待益重奇才愈

茂弘噐日彰天下士君子推公為棟梁遷汾州刺史在郡七年

僭但之愛忠利之教序四噐尊五常百姓日用而不知熙然致

於仁壽鳥足語其瑣細歟徵拜鴻臚卿兼左右威遠營使通夷

狄之情序賓容之位其有素矣是歲拜梁州刺史兼御史中丞

山南西道節度觀察度支營田等使加朝議大夫封廣州疑男

時守臣梁崇義恃漢水峴山之險負固倔强公受詔領麾下公

江東討降均州屯穀城所向皆捷以功加銀青光祿大夫上以

慎理軍旅以信夷夏邊封謐清而百姓宴安是時故山南西道

節度使相國郎公震洎邠寧節度使張僕射獻甫或為部刺史

或為都將皆推毅宏達常流不及忌能飛語危疑是懼軍帥之
例罕有全度公前推信誠中發坦蕩咸以事曉加之慰薦竟垂
忠勲兼佩將相引張推轂受賑微公之恢即洞識二人曷能臻
歟在鎮三年遷檢校工部尚書襄州刺史御史大夫山南東道
節度觀察使會李希烈亂常朝廷致誅詔公為司徒梁公勉招
討副使以公懿德懷姿不宜為副寇難未平徵拜工部尚書職
崇喉舌望允台鼎俄以本官兼御史大夫東都留守判東都尚
書省事充東都畿汝州都防禦使又加東都畿唐汝鄆州都防
禦觀察使舊例居守不出王城公以射藝絕倫氣橫秋霜德宗
知信在言前優詔特許導狩郊甸允所公謂珪璋特達之德也
遷檢校尚書右僕射充義成軍節度鄭滑等州觀察處置等使
屬有鄰師戎兵護邊魚服鷓冠異軍三千公弛析罷警門闔洞

開慮其未安重延廊廡坦易信誠挺出今古海淳山峙茫茫屹
屹培塿眈澹安得不服其洪濤峻嶠歟凡更四鎮踐履如一尋
以風疾懇形封章御禮名方與十全之醫馳賜不允陳讓俄而
獲瘳貞元九年入覲拜尚書右僕射同中書門下平章事朝廷
為之實巖廊為之重天下以之信向蠻夷以之懷耒加金紫光
祿大夫轉左僕射依前平章事遷檢校司空依前左僕射平章
事遂嬰風疾四表陳讓不俞朝旨御醫盈門中使填路嗚呼有
盛衰也有晝夜也聚散之理常也死生之變大也愚智同塵賢
不肖共輒孰能究之哉公為御史先府君追贈太子中允先夫
人鞠氏贈東萊縣太君歸本郡遷葬鄉邦榮之先府君累贈尚
書左僕射鞠大君贈齊國大夫人祖贈揚州大都督祖妣崔氏
累贈博陵郡大夫人廟貌觀德豐碑記烈奉君親而載劬啓手

足而勉夫始卒之道侯其躋而以求貞元年十月一日薨于長安光福里之私第享年七十六輟朝四日再贈大傳詔鴻臚卿渾鍊持節備禮賻絹一千疋米粟一千石詔葬長安高陽原夫人贈扶風郡夫人武功蘇氏駕部郎中守中孫處士珣之女先公二十五年而歿至是合葬焉秉周禮也長子疇太常寺協律郎凋於青春次子隣太子司議郎少子暉京兆府參軍公好古在汾州時於戒行尼寺家僮院得晉西河王司馬斌碑太康中尚書郎索靖八分書翳薈蕪蕪之下字可辨者猶存太半有割太原四縣以為邦邑之語公再建於寺殿之前為尚書時懷魏鄭汴軍聲未輯詔公宣過而兩家之難解抑推君命且曰服寬信也公翫習經籍老而不卷九流百氏靡不該覽通夷裔之風俗盡山川之險易歷代沿革之自百王廢置之由關塞通塞之

因牧圉盛衰之異道程踈密之準要荒享獻之數聚米畫地成於指掌矧夫丹青神化縑緗纂述數十年來西戎陷我河湟其圖籍志錄泯絕散落非公強力精專蹂躪貫穿靡書不探雖賤必訪則自汧隴而西傳疑唱謬紛紛不定已化為苛昧天意若曰降公之聰達精博極厥將墜一作歟興元元年詔公撰國圖

貞元十四年先獻關中隴右及山南九州等圖又撰別錄六卷吐蕃黃河錄共四卷優詔褒異賜馬一疋銀器數事錦綵三百疋十七年冬撰海內華夷圖成并撰古今郡國縣道四夷述四十卷貞元十道錄四卷賜馬兩疋銀器數事錦綵五百疋又內出銀槩二蓋殊渥也於戲勃海左湧洪河前激決滸其地氣必將有以孕育哲賢謨明盛時為紀為綱為棟為梁體貳為一作仁萬夫之望豈特河海地理云乎哉亦將上動昭回下降星精

為孝為忠為聰為明君子為弘器公有大度容物也浩無津涯而恪慎兢畏不有怠也有明哲保身也孰云肯綮而端方肅祗未嘗離也公奉親以孝事主以忠待天下以信博識以強力廉隅以砥礪居台座十三年秉戎律四鎮垂十五年產不過中人日給有不暇之意非夫脫落塵機翔翔青冥孰能然哉夫却穀之閑禮樂敦詩書祭尊雖在軍旅不忘俎豆邴吉之不過汙丞相車茵劉寬之無爛汝手叔度之涯涘元陽之不伐衛玠之理遣情恕公咸頡頏恢博得其兼備者已公考求六藝張弓挾矢允謂殊倫連墮冥冥之羽雙貫五袞之翬殪績予之歎圖畫歌詠噫嘻君子多乎哉文章之製博達而清約盛矣著述有未就歿有遺一作餘恨痛隣等知公歟疑作餘愛有忘年之眷見託紀徽烈俾鴻代芬芳不歇表唐得賢臣之目馬銘曰

圓方既明渾淪粹精辰耀騰溢降為賢英郁郁魏公薰然淑清脫落瑣細胃吞長鯨其一天寶之季前塵荐起懷策上謁言塵疑可止少年下位事不行矣命官絳臺渥澤伊始其二車騎開府司空晉陽萃賢物幕優游抑揚唯公聳然落落堂堂群議乃曰允膺巖廊其三剖竹西河衆蘇情結風俗丕變載欣一作載悅六鈞服猛雙鴻一發式是威武洸洸烈烈其四入掌九賓羽儀清都四夷荒職貢畫地圖帝曰漢中實為爾區廷授龍節雙旌碩儒其五推轂漢南乃司冬官保釐戎同白馬登壇更踐數鎮撫人以寬或四三年遂能勝殘其六徵弼中樞朝廷為實謀不外揚功宣造滕輿物有過意工言質天下日用曷由窺室其七知命兮死生齊松楸列兮埏埴成蹊海胃兮渾渾浩一指兮和天倪謬知言之重顧銘樂石兮悽悽萬物或幾乎息矣惟公德兮竟濟其八

文苑英華卷第八百八十七

登仕郎胡

柯

鄉貢進士彭

叔夏

校正

文苑英華卷第八百八十八

碑四十五 神道六

將相六

故丞相尚書左僕射贈太尉王公神道碑一首

故丞相太子少師贈太尉牛公神道碑一首

故丞相尚書左僕射贈太尉王公神道碑李宗閔

上即位五年正月丞相左僕射太原王公以癸巳

一作未

發疾其

明日遂薨於位天子震悼愍惻遽命內謁者指其室索其所以

飲食寢作之端既詳其無他狀遂贈

一作

布帛菽粟率用峻等

既又不塞痛軫之意加內府之絹千匹以賜之為之罷朝三日

命兵部侍郎一人持節駕駟馬

一無馬字

蕭鼓出自正殿直抵柩前

冊公為太尉葬有日官給祕器及就途遣王人亟臨視之命羽

葆旂常輅車之飾皆及墓俟其返震鼓聲四節於里第而還示

不與常制等也其子鎮以宗閔晚陪公於相位之末稍窺公之行請銘其烈以垂于後且不宜拒遂鋪其華華所能言者於金石云公諱播字明敷太原人周靈王太子晉之後以歷世為王昇一作咸陽縣令太子少師少師生怨楊府倉曹參軍尚書左僕射公僕射元子也忠敬而本仁寬明而有制內顯而敏外肅而和貞元十年舉進士弟是歲策賢良以直言校書於集賢殿其言平戎經國之術粲然可舉調尉鰲厓斷獄首出御史中丞李文愛之奏為監察御史按雲陽丞源咸季以贓免用疑文不直調而調因謁於臺遂捕劾之追奸胥窮律旨奏流咸季刑曹郎一作部罷所居官給事中以省詔非是奪俸緣而坐罪者甚眾自是風聲不可遏矣為侍一作侍字無御史時京兆李實文皇寵一作所

委能禍福卿士凡其榮衰繫所附背舉朝迎避其鋒公在途而實未楫公移文詆之其詞可羞實遂奏公為三原令求其不足於禮以持之公至居署洎群吏之館還其邑敬府之禮無不具實既出其筭反加畏焉縣之編於戶者多中貴人前令率不能自為其政施一作弛張牽之公悉召所謂貴人者入坐堂上一作當其拜曰敬桑梓宜如是也邑人大駭從其所指為長安令朝廷方恩于頓而以帝女嫁其子民有與于氏蒼頭同盜人馬者前令捕民而縱其蒼頭公始至縣即立取其奴而與民均其法知御史雜事京師饑穀起價京西諸侯相率閉粟公移之簡書徵秦晉泛舟之說西鎮惴惴收去條令粟流于秦元和四年為御史中丞歲中知京兆戶六年為刑部侍郎克鹽鐵轉運使上言流人會赦而歸獨豐一作肥因為隔遂無還者請率以七歲為竟至

今用之尋加禮部尚書益以御史大夫又以戶部尚書節度西蜀長慶初觀穆宗言中外之事遂留為刑部尚書復幹鹽鐵冬拜中書侍郎平章事仍其職匡維激發始以進賢為急上方有意河朔以財賦始出於下一作土二年公用相印為淮南節度使以其職隨之四年言事者謂鹽運設宜留京師用制方土加檢校司空去其使未幾上念公成法又以使屬公加司徒今上踐祚急詔徵公至即拜左僕射同中書門下平章事仍其使尋兼太清宮使累進爵至太原郡開國公食邑二千戶進階至金紫光祿大夫年七十二而薨公入官三十二政逮事六帝統楚蜀之師入極台宰之尊前後三愬鹽鐵既出一作去又復幾二十年天之所覆地之所載寧有獨私於公耶必有以當其然也一署吏苟不犯無能奪其任者歲時奏課至於榮大史胥次遷亦

如之故人用安其為善莫有欺公者雖遠至海裔若惣轡答挫窮年不死一吏貶一職而群務自齊凡朝廷平淮取鄆屠汴下滄景干弋不息者十五六年饋餉資費隨其緩急而立辨沛然若神給其間溝琵琶導穎河以漕輕舟師人坐受其飽䟽三門挽沉石以濟巨艦關中遂亡其饑薦皇甫鏐之強敏而鏐反短公於上公猶不知上謂其長者論景中信矯制釋一無逗撓之將期必抵於罪時服其敢為深涉徐境導齟齬而為槩人曰真宰相器也權征之外忠有雜縉率貢內帑號為羨進貞元中歲不過十二萬緡及公歲貢百萬緡凡國有大征伐不慮其費之有無洎丞相晉公專征討之事兵食之給悉出於公公方一無從容以贊其成及滄景平公有叶力之助自御史中丞京兆戶惣賦東政未嘗書笏為記善於啓奏天子不能自守其喜怒公

以專志持務密匡於上行已寡徒不喜代露由是數帝任遇多
被恩澤權利去留如在諸已人多意公能詭合於時及公再持
相印與晉國洎一二公同輔於上趨嚮甚直雅符於道苟所舉
公是公必扶之即非是公遂嘿嘿不和由是上知公重厚而同
列亦嘗待之乃見公之所為與嚮之不知者期公蓋甚戾也公
既屈於名而伸於富貴豈非威德君子神明之所祐耶故夫人
清河崔氏給事中銳之女嗣子鎮一作前式一作前無一作前祕書丞砥服名
教不以丞相子自居其身次曰冰始參一作京北府參軍事其
器甚遠一作器公之仲弟曰炎季弟曰起與公三人俱用文學
奮於江左西遊長安七中甲乙時議偉之公向一作向無一作向歿不幾日
而起以戶部尚書司國之計門閭之士交一作咸來哭賀群吏之
執籍繁夥一如公之時其亦於世難求也其從事故相國成公

昇今荆州相國段公文昌其他分居中外羅于一作臺閣者不

啻三人銘曰

在歲大和惟帝聖聖圖任舊台一作乃相太原維是太原福祥

其奔再持化權樞揆聯聯兩統劇藩楚淮蜀坤始自元和公象

貨泉歷憲穆敬一作憲洎一作茲聖君四帝財征去公孰親惟

煇惟鑄惟範惟聚一作聚東掃北珍上之所怒帶甲百萬一作

餼食唯巨俾公尸之不勞而具變通以時物無滯遺一作綱條

一施莫越其規御衆以仁中控其機信行恩馳罔有詐欺公之

惟揚漕務其將公之留庭職與公并首尾貫聯幾二十年相府

使符隨其興殂公之敏智顯爵自至不緣其外姑真一作其衷

始承其風畏公之邃及與之同泳公之義一作仁人之跡歿而

乃熾揭於茲碑不仆不倚一作皆唐文粹

故丞相太子少師贈太尉牛公神道碑

李珣

天球河圖有國之大寶騏驎鳳凰王者之嘉瑞方於賢彥即又次焉天祐我唐才傑出輔時興化代有其人公諱僧孺字思黯隴西狄道人本子姓漢有牛崇為隴西主簿因家焉代為西州豪族八代祖弘仕隋為吏部尚書封竒章公佐佑文帝有重名於時高祖鳳及一無及字中宗時為春官侍郎掌國史曾祖休克集州刺史贈給事中祖父紹太常博士贈太尉父幼聞華州鄭縣尉贈太保公七歲而孤依倚外族周氏嶽嶽卓卓有老成之風以喪禮自處未嘗戲弄年十五知先竒章公城南有隋室賜田數頃書千卷乃辭親肄習孜孜矻矻不捨蚤夜洎一作自四五業成舉進士軒然有聲時韋崖州作相網羅賢雋知名願與交公公袖文往謁一見如舊由是公卿籍甚名動京師得上第聯

以賢良方正舉又冠甲科策中盛言時事無有隱避持權者深忌之出為伊闕尉名府賢侯羔鴈至封章屢薦每為中執事所沮皆不滿秩從路帥郗士美簡授管記三奏不得請竟除河南尉會有次對大寮因言士解於上前遷監察御史丁大夫入憂服闋除本官轉殿中公以文高氣直累歲堙屈問望所屬推美於臺閣間入省拜禮部外郎時孟尚書簡有重望以地官貳卿兼領綱憲薦公知雜轉都官員外兼侍御史免憲職授考功員外郎集賢學士穆宗即位宰相稱其能遷庫部郎中掌書命召對與語上德之面賜五品服未幾遷中丞每對廷英必移時盡言天下事有武將李直臣為宿州刺史豪奪聚斂以貸數百萬厚結權貴公按之為有力者排幾不勝竟以詞堅理直上意迴直臣乃得罪由是上以清直知又面賜金紫拜戶部侍郎時

望允

一作克

塞中書令韓弘以財投分公拒而不受上因他事得

一作知

之愈賢公遂作相持重顧大體不言細事嘗謂同列諸相

曰致理之本流品為先尋倫攸叙蓋謂此也每惜名器力與同

列爭方鎮以不廉聞

一作問

者輒奏貶以賄賂求進者必阻之先

是李司徒逢吉與杜循州元穎同作相穆宗寢疾議建儲貳與

公不協後元穎出鎮井絡逢吉銜之思有釋憾於政事堂謂公

曰西川前有廢立謀上熟知之未日延英發其事公不知慎勿

沮議公曰王導有言吾雖不殺伯仁伯仁由我而死正近此耳

又安得不言哉逢吉喑鳴而止教宗少年嗣位公雅善敷奏每

言一事必本末陳之上甚倚愛同列挾中助力赫嫉公之賢公

亦思避其鋒三上疏求外任上以武昌善地建鄴僮兼相印以

授之既至問人所病害咸言鄂土踈薄歲一修城役工誅茅人

用咨怨公默許心計埏泥範埶未及三年盡換舊制崇墉堅壁

人到于今賴之文宗嗣位二年公入覲詔復相位上雅知公名

一見恨得之晚會宋相申錫以廉介聞巨姦鄭注挾北軍勢卜

射取財貨富侔於國忌宋之直陰畫詭計誣與藩邸通因內臣

而上其變造作似是動皆符會上驚聞激怒下法吏議其罪諫

官伏閣爭不得公入侍密啓上意乃寬止於郡佐公實有力今

季崖州鎮劔南西川上言西蕃別屯以維州降帶甲之士甚銳

其地要害得之足以壯邊鄙徐圖河湟此其漸也上疑不決下

南宮議百執事皆是西川秦公獨曰國家近與昆夷軟血四鎮

晏然今若自虧大信大式侍衆見詰渝盟彼直我曲未可量也

上曰承相之言是詔還維州初德裕承藉地勢自負機術公介

特素不與之交及是大不平遂成宿憾公與李尚書宗憫同輔

政出入殿省進退有度上偏目公曰卿才類霍光異日可屬大事公懼滿辭位再陳封章寵加端寮出鎮淮海不改相印再登將壇揚州當江淮之衝習偷薄之俗公清淨簡易化人易風俾及五年臻於一作至理食廩實禮義行刑措政成脫屣歸洛優詔屢降雅志不回拜檢校司空東都留守宗將有大制置大除授必降中使假於地方入皇城宣密旨獻可替否如在君前其信重也如此俄以左僕射徵王人就賜官告特明異禮公感恩雖厚退身愈堅一對而不諂相弟亦有中阻未諧人情又加相印出為漢南節度使制出上悔之欲追成命公固辭上曰且不與卿周歲別出都門特賜清廟器六事皆範金飾玉如古時制宣曰以卿精忠用以貺別寵待之禮當時無恃公到襄州均井稅薄地征人用胥悅咸歌耒暮武宗初纘極聽信未一行險

者來時而起凶德叅會倒置天下事清賢名輩多被斥逐唯公位高德重最難播撼鯨旣齟齬幾至二年屬大水壞居人廬舍公以實上問仇家德以逞志舉兩漢故事坐災異策免降授太子少師時議不平又澤檢校司徒兼太子大保俄又改太傅再臨東郊劉從諫死劉稹自擅以昭義軍阻命天兵誅討五年方尅上喜甚素忌公者媒孽鍛鍊誣公與從諫交上怒下詔旬日三貶公至循州長史鑿空指鹿四海之士咸寃之公推運達命恬然如得好官時踰嶺越險二年海上無所苦今上即位大明善惡三遷至少保轉少師卒復高位分司東洛池臺琴酒逍遙自娛賢士大夫尚其執躅未平歲遣疾薨于東都城南之別墅自嬰疾至于捐館譚笑語言宴居自若口占理命纖悉無遺上聞為之軫悼聯可不視政公卿相予正人雪涕冊贈大尉追

大僚弟祭雲端明間重忠厚誠慤平居私室如見一作對大賓不

喜釋老唯宗儒教早與韓史部皇甫即中為文章友其名相上

下晚與白少傅劉尚書為詩酒侶其韻無俾前後作鎮皆佩相

印辟署多名人難其一作於進而勇於退儉必中禮貴而不奢知

命達理保和居易三領大鎮接護軍以禮貌不至交歡再入中

書侍樞一本有密字使以公平不容請託有恩必報有讎不校常崖

州於公恩也嫁二女歸名士薦長子登周行李崖州於公讎也

恤竄謫之窮途厚供待於逆旅其厚德歟亦難能也夫人同郡

辛氏贈僕射秘之女賢明懿淑稱於族姻有子五人曰叢曰蔚

一作曰叢能嗣其業皆擢進士弟蔚監察御史叢使府協律曰奉

倩洛陽尉二人未知名公以大中戊辰歲十月二十九日薨以

大中己巳歲五月十九日葬小子不佞早棲門墻考選弟叨殊

等之科開賓筵忝入幕之吏園士相遇筆札見知周旋欵眷垂

三十載刊石表墓一作德分也難辭公歷官三十一政作相一十

九年建事六宗光輔四帝承主恩必由直道解相印實無罪名

自少及長不失色於人佐時理家無悖入之貨持身斤斤一作撓

履道甚夷嘗病在高位者不知止足終日抗論剋期拜章竟不

及年俾孤美志銘曰

公之生兮稟星辰公之道兮侔古人此句無公之才兮渾而真公

之性兮威且仁公之文兮班馬鄰公之藝兮游夏均公之儉兮

自我身公之簡兮無雜賓公之貞兮肅人倫公之慎兮質鬼神

公之相兮平如鈞公為邦兮政如春公不幸兮罹數屯公無辜

兮介于循天開日明兮堯舜為君舉直措枉兮幽寃必伸辜復

高資兮言旋洛濱道遙琴筑兮無異隱淪屈指懸車兮歎一作懼

然十旬素懷未遂兮美疹未臻悲經冕旒兮哀動搢紳寵贈加
等兮冠于台臣有司職喪兮歸葬咸秦觀者歎息兮國人酸辛
素安餘慶兮令嗣旣陳寔道廣兮門生振振乃績徽猷兮刻于
貞珉碑生金字兮名德長新

文苑英華卷第八百八十八

登仕郎胡

柯

卿貢進士彭

叔夏

校正

文苑英華卷第八百八十九

碑四十六

神道七

將相七贈官

御史大夫贈右承程行謀神道碑

贈右僕射王光謙神道碑

贈太師崔倬神道碑

御史大夫贈右丞相程行謀神道碑

蘇頌

御史大夫維弼之副尚書丞相粵官之長若庭堅是勅山甫為

式凝績之一作懋追榮末一作未極可也聖皇執象增天報功元

老協斯揆日疇貴將邵頌其美稱用命伯嬰與之佐佑存趙立

孤可也廣平之傑出者公名則自行謀世以字行終始不易源

彼二烈泉乎百代門閭當華嶽之峯碑閱倚堯林之塞遷自吾

祖定成我居作鄭人矣曾祖諱慶隋長子令祖諱德淹隋太康

令考諱藥王皇秋浦令子男樹聲大崇於官闕令長傳業夙振
於台揆況一變從道三稱靡風乎公神靈特應金火殊發舍照
灼而更幽蓄堅剛而轉銳常謂處山者猛不採藜藿成蹊者芳
不言桃李靜安獨行汎覽羣書以管晏之謀迪訓貽典用申韓
之法衡竒撮要高深廣大盡在是矣志太好學首中甲科初補
潞城尉轉趙之平棘換虞鄉主簿任非待賢居是適用嬰酷而
罷居喪幾滅率由於至性每不勝哀禮闈入為鄆尉時吳郡顧
琮秉銓調鍊致公密啓授萬年尉尋遷左肅政臺監察御史秉
行歷二尉尉字一作殿中左右肅政丞侍御史迴復雙拜周旋五人悉
心果孚履尾奚懼積豕既制拉二堅於威弧之張神羊既立挫
三思於止戈之武固亦霜驅集勁雲落鵬摧豈避儉言俄招毀
議出為幽州司馬都督薛訥以元帥綜戎仗權公為在端寮設

文備甲兵繕食

一作倉

稟績絕漠以奔嚴城洞啓遷定州長史未

詣職入除金部郎中景龍六年鳴牝肆孽分宰京邑先屠戚黨
吏部人相狙獄市皆紛徵拜公長安令正弊不辜大安所屬無
何除將作少匠少府少監飾慙疑二字愛費閉奢曾不無益而

成有袞登加七命食千戶俾侯於廣平國轉刑部侍郎兼檢校

送疑

王府長史司寇持平以議罪君正好直而請由是用刑不

頌為善最樂也明年王正月我后時邁翠華頓動倉駕巡遊幸
朔方而經周漢涉河東而觀舜禹命公為蒲州刺史本道按察
偉儲峙之饒悅股肱之壯期主人於道路宴君子於雲天然後
搏擊守宰澄清中理上因聽政顧侍臣曰江淮之間風氣果銳
吏諸尤者朕已得之又遷揚州大都督府公刈作姦鉏撓法萬
高利於舟楫三吳貞於鼓鑄皇念勤矣徵拜鸚臚御即殿中監

圍開賓館威懷柔服之序王列御府備物致用之殷則九卿不
如六尚書也公力主財巨細錙銖定豐肯翹天地之蘇三字來

自西極溢水衡之員獻于北宮擢拜御史大夫朝之紀也夫端
以憲職流為法家舍弘則弊於僂俛竦踊則嫌於激訐狂徒一作

徒夫得且觀一作興替公之度盖不然森貌寡詞彼憚嚴而惴
察悞疑幽二字一藏密我易躁而安動庶物和矣群司晏如加

戶益榮金紫宣命賚子虛佇丹青戶政嗚呼方恒位事歛謝期
頤享年八十有三以開元十四載春之孟庚寅統日薨於洛陽

之審政里第宸極悼馬行必馳組請不釋服曷云多矣一作一

尚德二尚厚三尚遠四尚舊以羊而問遺一作中使者鴻寶金
相一作望自闕建凶則撫贈左一作丞相衾常疑布帛盡萃其

家喪禮葬數邁超夷等伊我公蹈規懸解臨事默識至幻疑為

心至公陳力薄驕奢之行卑乃崇高重明哲之謀尊而壽考匪
有倫有要知至知終何以符契於君臣寵靈於存歿古未之效

也以貞為謚然與其年暮春壬寅十朋啓瑩雙表昭遂歸厝于
鄭之少華原禮也一子鎮之幼為尚舍直長崇義方之誨成幹

裕之能以杖扶後起柴毀孤立凡厥所嗟工之不隕直清而美
者則侍御史彭城劉彥回同郡宋詢並謂勞人祇服盍承報國

聞薦府庭朝夕棟宇過甚思結悲盈涕濡相與開陳詔命甄用
詞藻爰備刊勤宜存妙好顧杖重黎之司日其正兮禮者其不

倏乎粗言銘曰
程伯休父膺厥命兮我公之貞保民姓兮我公之德宣歌詠兮
至于天官翊明聖兮登以碩老資忠敬兮壽必待終名轉盛兮
卜而獲兆典實令兮嗚呼大史秉直少華南映望陪我京還即

于鄭

贈右僕射王光謙神道碑

權德輿

天球白珩產於崇山扣之而清越格人莊士生於積德用之而
弘大其或舍光而耀藏器不發乃熾而昌是滋百神蘊而為義
方飾而為徽章故太原王公四筮仕而領通邑五追宗而登端
右循政茂於官下湛恩集於身後有繇然也公諱光謙字某自
東漢馮門太守澤五代至晉中書令獻之坦之歲薨德名集吉

祥

一作

伴盛自後魏龍驤將軍長杜穆侯慧龍五代至隋祕書

少監邵以勲華文學復大其門祕書生隋揚州戶曹參軍末

宰相

世係表作揚州司馬

戶曹生皇青州司戶參軍子奇司戶生美原丞贈

大常卿慶賢三代沉晦邁其風訓公即大常府君之長子也幼
而岐嶷長而淳懿絜矩慎獨抱仁戴義閑深博辯之學稽古禮

文之事炳然含章靡不通貫至若文舒之清脩廉實處冲上剖

析玄微安期之弘恕懷祖之沉靜合是家法而躬行之始以門

蔭受署凡四徙官曰幽州三水潞州城二主簿絳州萬泉縣丞

楚州淮陰縣令所至之邦二千石必加禮慰薦而公牢讓勇退

卑不可踰及為縣令也務清靜之理而去其煩苦推明誠之本

而教以廉隅一同熙熙生殖阜滋楚風丕變幾至齊魯因喟然

曰彼天爵美祿者在義與樽酒而已大丘彭澤豈多秩耶於是

於懷於外嗇神於內沉研象繫之表盤礴天人之際其致知格

物不可詳已以開元二十九年春正月指館舍於淮陰年六十

九其明年返葬于河南府偃師縣北山之陽夫人博陵崔氏贈

博陵大夫人繼夫人隴西李氏後夫人同郡武氏贈彭城郡大

夫人飾終三加子貴故也公之才子五人長曰翊以博一作雅

典憲亮直方貞

集作直方貞屬

歷御史中丞左散騎常侍刑部吏部二

侍郎御史大夫贈戶部尚書謚曰忠惠次日翽吏理詳明官河

南府楊翟縣尉

集作丞

次日翽脩良愷悌勲德茂盛歷辰朗容三

州刺史容管經略使兼御史中丞河中少尹朔方鄧度留後汾

州刺史單于副都護振武軍使徵拜京兆尹尋兼御史大夫再

居大理鄉為福建觀察使入為太子賓客貞元十二年檢校禮

部尚書東都留守踐履藩垣逾四十年階至特進爵封本郡次

日向士行清修為秦州上邽縣尉幼日翽文敏有幹裕歷監察

御史三原縣令著作郎太子僕翽向皆不幸蚤夭翽亦命屈其

志而忠惠公太原公惣集休祉為宗工蓋臣初忠惠公與肅宗

代宗從容言天下事甚衆且日文致太平在正名百職危言悃

幅痛詆權倖條疏理道坦然章明沃心前席倚以為相者數矣

雖位竟不至而其遺風直聲暴乎天下太原公剖符賦政累刻

金石滅夷越剽賊開地靖人倅蒲也以沉幾銷急變護單于也

以尺書柔獷俗中外師師淑聲流聞保釐尹正式是東夏安危

注意未始有極言代德者以公之保

集無保字

道未光而慶下鍾惟

其有之是以似之之故也初以忠惠公扈鑿輅於岷峨其勤匪

懈贈公隴州刺史又以持節印冊命專對於北方間閔忠力再

贈公秘書監後以太原公南服嘉庸三贈公為工部尚書以鼓

下肅清四贈公為太子少保以閩方報政五贈公為尚書右僕

射噫嘻賢人教忠之業令嗣揚名之孝大君追遠之澤是三者

可為至矣十七年太原公貞于龜墜得二月壬寅吉於是備入

旒七章驚冕佩玉之飾博陵彭城二群大夫人以象服附焉詔

給鹵簿官司喪事慶靈集於一門光耀被於九原君子然後知

積德豐報之不誣矣至若忠惠之子為守臣太原之塔君台司

諸孫昌追冠映圭組則列諸碑陰以備代家斷此琬琰銘公德

美集作善其詞曰

有匪集作非君子兮德行醇備蟬聯烜集作烜赫兮峻閱弘義觀我

靈龜兮懼腊毒之厚味樹風百里兮馳蒲密之極摯慈和安靖

兮集作靜闔境如奏仲叔容儀四字集作仲曼容兮與古為倫全才不耀

兮流慶後昆忠惠既没兮太原顯尊五加追命兮賁此玄壤隼

煥龍劔兮以至師長澤流根業集無此字兮恩及集無此字漏泉壽堂拱

木兮集無此字橫蒼煙隨武可作兮藏孫有後崇岡樂石兮昭晰

悠久吁嗟王公斯為不朽

故朝散大夫檢校尚書吏部郎中兼御史中丞賜紫

金魚袋清河縣開國男贈太師崔倕宰相世系

表作陸神道碑

太師名倕字某清河東武城人太公望既于營丘子伋封嗣侯

伋之孫曰穆伯食邑于崔遂以為氏後十四世至秦末陳策侯

意如東萊之子伯基始居清河又十五葉生琰為魏名臣又九

葉生仕後魏為七兵尚書七兵之弟曰休寅為樂安大守公即

樂安人代孫始以門子補鄭州參軍力行好學於子道以孝聞

處伯仲間以友聞讀易至編絕以精義聞至德中戎羯猾夏王

師出征公少有奇志思因時以自奮乃作伐鯨鯢賦上獻既聞

集作耳果器之會第五丞相以善言利得幸盡付利權始有鹽

鐵使之目慎選寮屬表公為介轉臨晉縣丞處繁應卒銜刃不

集作無項府罷再遷至太子司議郎韓晉公時為戶部侍郎掌邦

賦急於用材為公為監察御史主河東租庸之務尋轉侍御史

充京東平糶使建中初德宗始親萬機儲精治本有漢宣與我
共洪集作理之歎謂大臣求可當良二千石者遂以公帶本官權
知袁州刺史朞月有成詔書顯揚就加貞秩益以金紫君無何
韓晉公為丞相制國用思公前績乃傳召之抵京師授檢校戶
部郎中兼侍御史幹池鹽于蒲脩牢盆謹衡石煎和既精銘散
乃盈商通而遊至吏懼而脩法民不絀網而國用益饒歲杪會
其所入贏羨什百詔下褒其轉吏部正郎兼御史中丞且加五
等之爵方倚以重任天畱其材而不遐其福享齡六十有五貞
元七年某月某日遘疾終于治所上聞悼之因降愍冊贈鄭州
刺史賚錢三百萬以備歸終之禮明年某月某日返葬于成周
之偃師從世墓也累贈至太師夫人隴西李氏汾州司倉參軍
成一之女生才子六人長曰邠及公終集作卒時已為左拾遺後

至太常卿次曰鄴至太府卿次曰鄆至外臺尚書次曰邠今為
廷尉次曰鄆至執金吾季曰鄆今為太常卿同中書門下平章
事惟夫人姑臧冠族以蘋蘩組紉輔佐君子為令妻積三十餘
年以慈儉忠厚訓誡諸子為賢母二十有三年當永貞初順宗
踐柞澤流自葉長子邠時為詞臣草冊書以文當進階遂上疏
乞移榮於親優詔允之特封清河郡太君士林聳慕皆自痛其
不及邠為太常鄴為大農咸白髮貴綬以奉膳羞諸季各以簪
裾給事左右愉愉然先意無違言世榮者舉無與比以子貴累
封贈至涼國太夫人元和八年三集作二月十六日損館舍壽七
十有九是歲十月某日合祔惟太常及常書既今相國皆自中
書舍人為禮部侍郎凡五貢賢能書得士百四十有八十言兄
弟者許為人瑞崔氏之門六人皆入文昌宮其間三人歷八時

卽統而論之三大卿兩連率二翰林學士一執金吾言冠冕者
許為世雄與始藏李范陽盧世為婚媾入于姻黨無茅二流言
門閥者許為時表大常二字亦以才能同入尚書璜為吏部卽
權為司勳卽其他支孫未登金閨籍者詵詵然魚買而進文采
集作甚似而孝謹不衰猗歟君子之澤其所從來遠而有光乎
開成已未歲七月甲辰相君受詔于明庭始操國柄仲月奉常
事于家禮成起慕悄然永懷曰古者卿大夫廟有鼎墓有碑皆
銘之以紀先德也今備位宰相敢不敬前人之煩光乃俾家老
條白事切咨於學古集注者徵其詞尚信也又命宗祝卜柔日
于廟盡誠也儀甚集作備而敬有餘斯所謂達禮之君子遂刊
勒如式揭于道周銘曰
弈弈四姓崔為之冠贍其門牆倬若雲漢善積家肥子孫多材

如彼榱棟必生徂來太公之後彌二千祀烟如貫珠焯見圖史
顯允太師丕承德基構于其堂亦既墜茨生逢震戎夏交獻賦
伐叛忠存乎詞矣興事叢飛輓四馳歷踐剝職視也如夷乃主
平糶乃分竹使治粟為邦其道一致蒲實近地鹽為和泓使車
來思剗弊立程吏廉商通歲倍其贏奏課連最德音褒明就加
執法好爵兼帶天賦之才不與壽并生樹德本歿揚淑聲上聞
軫懷侑樂為停贈祿之禮侔于公卿萬石貽訓根於孝友大立
種德乃稔身後家有令子妻為壽母二十餘年人倫之首六子
來侍如龍如虎衆婦來饋維筐及管佩玉鳴環交響庭戶申申
秩秩歡不踰矩昔為甲族今為興門天爵人爵蔚然兩尊集作
先德蔭之黜集作如重雲孕和含集作粹濯潤本根景毫之源
圖書之川陽陵壇旁尊迴環世安其神世嗣其賢聆德風者拜

于碑前

文苑英華卷八百八十九

登仕郎胡

柯

鄉貢進士彭

叔夏

校正

文苑英華卷第八百九十

碑四十七神道八

王爵

此下三卷英華所編
失作者先後今正之

周上柱國齊王憲碑一首

唐義陽王李琮碑一首

周上柱國齊王憲神道碑

庾信

昔者軒皇受姓十有四人周室先封十有五國自爾承基纂胃
保姓受氏雖復千年一聖終是百世同宗故知昔之東京既稱
大一作漢再受令之周曆即是鄴都中興公諱憲字毗賀突恒
州武川人也晉大康之世始一作據有黃龍魏孝昌之初奄荒玄
兔太祖以百二諸候三分天下丞谷先登鴻溝大定公業如此
人臣以終公含章天挺命世誕生降太一之神下文昌之宿珠
角擅竒山庭表德儀範清冷風神軒舉聳動廊廟光華城闕未

逾齟齬已議論天下事人或曰是謂弱木一枝

十二字一作天

問日是門謂

若木一枝傍廕數國長河一直自然千里風颭表光景將

鼎後魏二年封涪城縣開國公時年五歲也虹蜺滿野是廢當
途之高鸞鸞鳴岐實始惟新之命國家光宅受圖欽明秉曆大
風初卷長沙始封周元年進爵安城郡公食邑二千戶仍授使
持節驃騎大將軍開府儀三司開府同於馬駿秩擬六卿驃騎
劉蒼位高三事宗子維城彼多慙色武成二年授使持節大將
軍都督益壽寧周書作益等二十四州諸軍事益州刺史改封
齊園公食邑萬戶公時年十有六王武子以上將開府未滿立
年旬中即為十州督都才踰弱冠方之於公已為老矣加復營
丘負海齊桓公受服之城岷山尊江漢武帝求仙之地自非名
陵孤竹聲振沉黎豈得南至緜陵西登積石幸無白虎之患寧

待黃龍之盟印笮畏威微盧仰德生為立廟刻石頌功成都有
交翁之祀非謂生前漢陽有諸亮之碑止論身後比之今日豈
可同年而語哉保定四年與大司馬蜀國公圍金墉城師臨洛
浦則廣武營奔兵上邙山則河橋路斷八川風俗五方名利鐵
市銅街風飛塵起天和元年徵還行雍牧公以日月之明威神
其政滌沮旣從荆岐即又火陽用事路不喘牛仲秋以殷民無
驚水二年拜大司馬仍理一作小冢宰營室殿軍器大監天官
以邦國為基是司六典夏官以兵戈為主專謀七德是以器械
填委旣包吳漢之功宮殿崢嶸彌狀蕭何之法時以白露涼風
務閑農隙督兵三萬出自宜陽投伏龍之城平姚萇之壘馬陵
霄樹魏將路窮平陰聽鳥齊師其遁天子家弟禮絕群公仁義
所往事資通德建德元年進爵為王仍拜大冢宰姬旦封於曲

早不廢居劉交國於彭陽無妨常從豈直周召二南並居師傳
晉鄭兩國俱為卿士而已哉匈奴突於武川燿火通於灞上公

述職巡御治兵朔方馬邑星飛一作龍城月動撓留犁出漢書匈奴傳一作

非蕭桃之酒經略不前失煙支之山下而去東隣逆命反道敗

德囚箕子於寒庫罵文王於王門天子將有孟律之師召公獨

議公報以誕應天命克成厥勳昔者秦昭起師於蜀直問張儀

晉武用兵於吳唯謀羊祜於是中軍無帥僉曰有歸五年拜上

柱國元戎東討給王鐵騎二萬先襲大原一作并州斗建麾兵天離

轉戰霓嘯風騰雲飛電掩林胡棗栗詎得充飢晉陽荻蒿何能

拒防又加王精兵六萬長圍晉州然後六軍星陳萬騎雷動中

摧始及前茅已戰自爾即為前鋒橫行入鄴觀役車絙槐本馬

驚旋淨積甲高昆陽之城乃封塞富平之水莫不如彼建旆同

斯破竹一朝指揮六合大定是用光昭下武翼亮中都足以摠

祖宗之宿憤解生民之怨黷疑作方當待後石閭部斯王鼓經

緯天地光華日月既而赤鳥夾日黃熊入寢實沉無祀桑林不

祭宣政元年六月二十八日薨春秋三十有四季友之亡魯可

知矣齊喪子雅姜其危哉公器一作字淹曠風神秀遠璣鏡照

林山河容細置罇待酌懸鍾聽扣聲動天下光昭四隣武皇帝

以介弟懿親特垂愛友而密謀奇策加禮敬焉常謂左右曰孔

子云自吾有回門人日親其齊王之謂也用之作宰則萬方協

和用之撫軍則四表懾伏豈直阜錄為士國無不仁隨會為卿

民無群盜愛翫書籍敦崇禮樂一作管絃入耳則溪谷俱調文

雅洽心則煙霞並韻養由百發落鴈吟援應奉五行綵緡縹快
雍容舉止抑揚談論世以為楷模搢紳以為軌範則必有壯志

頰校兵書玄水降靈穀成授策飛風長柳月角星眉莫不吟誦
在心撰成於手所著兵法凡有五卷六韜九法地一作不用吳起

舊書三令五申無勞縣武先誠可謂有忠孝焉有壯武焉不自
驕矜兼疑作謙光下物宋人獻玉不貪為寶百成子高守仁為富

不謂以信致欺為善非樂天年不享嗚呼哀哉以某年月日葬
于石安縣洪瀆川之里原隰慎愴埋於盛德幾年丘陵搖落蘊

於才良永矣乃為銘曰
悠哉朔方逝矣窮陰山連鳥道一作地盡龜林重黎業大伯翳

功深胄其積德必有君臨太祖撥亂喪君有君一作實君
迴地軸策動天文猶臨赤水尚復黃雲諸侯八百天下三分公

之挺生寔惟天假翠微臣疑作神降文昌星下照于四國充于兩
社左傳作間舟楫江河棟梁華夏水通詞峰風飛文雅純深之

性一作義極天經忠貞之道事感百靈君親惟一臣子惟寧忠
泉出井孝笄生庭乃宰天官為國之輔是君上將為天之柱乃

聖乃神惟文惟武策高開闢威移雲雨九宮神略三術謨明大
離轉陣月德迴兵黎陽水駭官疫山驚冀州既載東原底平滇

浚欵運弱木將危中峰岳斷半海鵬垂鳳沉丹穴龍亡黑陔臨
淄市廢東武山移十齡萬古英聲在斯

唐贈陳州刺史義陽王神道碑 張說

昔高祖之起侯華隋命太宗之威四海正萬邦作藩帝家用建

王國二十一族堯之昭也十有一宗文之穆也王諱琮字某文
帝之孫紀王之子龍種異氣鳳毛秀色仁義天啓德威日就學

無不探藝無不究故齊王之胤以爵推恩州公之子以才分政
惣角封義陽郡王若冠拜國州刺史又守檀州又撫沂州若教

之舊前人是懲單于之衝胡馬自遠淮沂其人邦國不空遭王
運中微投於南海書稱大去憫天土之諸侯禮不逃誅議無辜
之王于某年月日遣六道酷吏薨於桂林之野春秋五十神龍
之初興廢繼絕追贈臣州刺史王生不得志沒受遺榮信乎才
之短長不如命之豐約德之輕重不藝之厚薄古集作矣季子
豫州刺史行休騷亂羈旅集作孤記身厲炎貌是餘慶歸然獨存
泣血上請迎喪遠裔開元四年二月至桂州王同氣三人挂偕
遇禍殞發無主封樹缺如歲月堯七盡為野草問鄰母而失處
訪樵童而莫識議者以為不可復得宜招鬼而改葬行休拊心
蒼昊誓不徒還乃掃亭館設地席潔齋懇惻覬手幽報遂頻夜
騷騷集作曲示其端薨會唐書無王乘舟舟分為兩既而適野
見東州中斷因恩悟焉陰隱微明率此類也又靈堂鎖莖一夕

自屈管上有三指凹迹奇二並其旁鐵生文理布列成卦衆駭
其異使善易者張法著之司屈者於文為尸出指者於義為指
蹤一奇二並三殯近闕集作若引偶上集作擗之可以察先王
之心矣考薨協卜定處刻辰以其月二十八日於桂城東洲發
見神柩舉體咸備而一節闕焉行休甚痛惋若身集作毀裂其
夜又薨王告在南洛州唐書洛厥明直舊殯而南十有九步沙
洲痕下掘而得之安合如故他日北郭之外又集作併收二叔
父焉於是乎驗著薨之有徵也子三旒連舳歸飛遙遙百越經
途瞻歎零桂人士集無以為美談夫至孝潛通精魄昭應虛無
之見推步而有必窈冥之體尋求而致雖前誌所詳未有幽威
反覆若斯之昭晰矣以某年月日陪葬於昭陵栢城妃汝南周
氏祔焉礼也妃考曰駙馬都尉梁郡襄公妣曰臨川大常公主

宗周玄胄大君自出左右圖史循環法度邦有好逯室無集作先非

偕老以王之故薨于掖宮初永昌之難王下河南於妃錄司農

寺唯有崔集作方氏女集無罪屢布衣往來供饋徒行頓色傷動

人倫中外咨嗟目為勤孝王之集無二子配在雋州及六道使

用刑也長曰行遠以冠就戮次曰行芳以童當捨芳帝號抱行

遠乞代兄命既不見聽固求同盡西南傷之稱為死悻君子謂

勤孝者仁之厚也死悻者友之難也感神者誠之至也此三者

有以見義陽之義方賢妃之內訓繼體之崇德夫如是淳美上

歸乎本朝盛烈延耀乎邦族安可闕而不飾碑版無文而已哉

銘曰

高丘白雲維堯大理函谷紫氣維周拓史百代福流千齡運起

富有海內責為天子聖帝才子於穆紀王賢王祗胤悼哉義陽

慎徽九德九德有常允釐三郡三郡以康明夷于飛丹崖之下

梁木其懷桂林之野不識阡陌無存松楸于以求之人莫知者

哀哀孝子眷眷靈寔語妙常閣文微甄仲南洛占從東洲億中

舊窆移福新棺改贈既克返葬亦附山陵卜去其吉神心允憑

非地是迹謝名稱青青松柏不顯不承

文苑英華卷第八百九十

登仕郎胡柯 鄉貢進士彭 叔夏 校正

